

列朝詩集

列朝詩集

丁集第十二

震川先生歸有光

二十一首

徐記室渭

一百七十一

湯遂昌顯祖

一百三十五首

覽李至清

三首

袁庶子宗道

四首

表稽勲宏道

八十七首

表儀制中道

九十六首

覽雷簡討思需

二十首

鎮提學惺

二十六首

覽譚解元元春

五首

王僉事思任

一首

震川先生歸有光

有光字熙甫崑山人九歲能屬文弱冠盡通六經三史六大家之書浸漬演迤蔚爲大儒嘉靖庚子舉南京第二人爲茶陵張文隱公所知其後八上春官不第讀書談道居嘉定之安亭江上四方來學者常數十百人海內稱震川先生不以名氏乙丑舉進士除長興知縣用古教化法治其民每聽訟引兒童婦女案前刺刺吳語事解立縱去不具獄有所擊斷寢息直行其意大吏多惡之有蜚語聞量移通判順德隆慶庚午入賀新鄭內

江推知熙甫引爲南京太僕寺丞留掌制敕修世廟實錄熙甫宿學大儒
久困都邑得爲文學官給事館閣欲以其間觀中秘未見書益肆力於著
作而遽以病卒年六十有六熙甫爲文原本六經而好太史公書能得其
風神脉理其於六大家自謂可肩隨歐曾臨川則不難抗行其於詩似無
意求工滔滔自運要非流俗可及也當是時王弇州踵二李之後主盟文
壇聲華烜赫奔走四海熙甫一老舉子獨抱遺經于荒江虛市之間樹牙
頰相櫛柱不少下嘗爲人文序詆排俗學以爲苟得一二妄庸人爲之巨
子弇州問之曰妄誠有之庸則未敢聞命熙甫曰唯妄故庸未有妄而不
庸者也弇州晚歲贊熙甫畫像曰子載有公繼韓歐陽余豈異趨久而自
傷識者謂先生之文至是始論定而弇州之遲暮自悔爲不可及也熙甫
沒其子子寧輯其遺文妄加改竄賈人童氏夢熙甫趣之曰亟成之少稽
緩塗乙盡矣刻既成賈人爲文祭熙甫具言所夢今載集後季子子寧字
季思以鄉舉追贈待詔冢孫昌世字文休與余共定熙甫全集者也嘉靖
末山陰諸狀元大綬官翰學置酒招鄉人徐渭文長入夜良久乃至學士
問曰何遲也文長曰頃避雨十八家見壁間懸埽有光文今之歐陽子也

迴翔雒誦不能舍去是以遲耳學士命隸卷其軸以來張燈快讀相對歎賞至於達旦四明余翰編分試禮闈學士爲具言熙甫之文意度波瀾所似然者熙甫果得雋熙甫重生平知已每叙張文隱事輒爲流涕豈未有以文長此事聞於熙甫者乎爲補書之於此

南旺

嗟我南行舟日夜向南浮今日看汝水自此南北流帝下孤丘遠落日生暮愁當年宋尚書廟貌崇千秋丈夫苟逢時何必無大猷獻八學禹貢爍中羅九州杖策空去來今人笑白頭嘗疑伯顏策母乃非令謀洪範天錫禹大道行箕疇五行有汨陳三事乃不修鯀腮日以興百川失其由不見徐房間黃河載高丘

沛縣

泗水抱城堙東去日滋滋豐沛至今存漢事已千春嗟我亦何爲獨歎徃來頻封侯不可期白日坐沉淪每見沛父老旅行泗水濱空傳泗水亭井邑疑未眞城外綠楊柳高帘懸風塵猶有賣酒家王媪幾世親高廟神靈在英雄却笑人

自徐州至呂梁述水勢大畧

黃河漫徐方原野層波生萬人化爲魚凜然餘孤城僅見沮洳間櫓檻半
傾日月照蛟室風波擾蜃氓侵薄連羣山浩蕩烟霞明山迴時復圓孟
盈涵光晶忽然都開豁天木翠黛橫此來頓覺異日在江湖行呂梁遂安
流泯泯無水聲狼牙沒深沉一夜走長鯨三洪坐失險蛟龍不能爭乃知
房村間尚未得渴傾如人有疾腹堅中膨脹空役數萬人績用何年成

鯉魚山

鯉魚山頭日日落山紫赤遙見兩君子登岸問苦疾此地饒粟麥乃以水
澆灌水留久不去三年已不食今年雖下種濕土乾芽苗因指柳樹問此
是吾家室前月水漫時羣賊肆狂獮少弟獨騎危射死五六賊長兄善長
鎗力戰幸得釋因示刀箭痕十指尚凝血問之此何由多是屯軍卒居民
亦何敢爲此強驅卒始者軍掠民以後軍民一民聚軍勢孤民復還劫卒
鯉魚山前後遂爲賊巢窟徐沂兩兵司近日窮勦滅軍賊選號健叱呼隨
主帥民賊就擒捕時或有奔逸其中稍黠者通賄仍交密以此一月間頗
亦見寧謐二人既別去子用深歎息披髮一童子其言亦能悉民賊猶可

矜本爲饑荒追軍賊受犒賞乃以賊殺賊吾行淮徐間每聞邳州卒荆楚多剽輕乘亂非弘策

鄆州行寄友人

去年河溢徐房間至今墳闢之土高丘直添昔干旦可蕭然流冗紛紛清道邊牽挽小車載家具穴地野燒留處處丈夫好女乞丐不羞恥五歲小孩皆能閑跪起賣男賣女休論錢同牀之愛忍棄捐相攜送至古河邊回身號哭向青天原田一望如落鴉環坐蹒跚掘草芽草芽掘盡樹頭髡婦家食人如食豚今年不雨已四月二麥無種官儲竭近間沂泗多嘯聚鄆州太守坐調兵食愁無計鳥鴉羣飛啄人腦生者猶恨死不早自古天下之亂多在山東况今中扼二京控引江淮委輸灌注于其中王曾所圖禹貢所供三吳百粵四海之會同若人咽喉不可以一息而不通使君宣力佐天子憂民瘼深謀遠慮宜一知其所終無令竹帛專美前人功

甲寅十月紀事二首

滄海洪波蹙蠻夷竟歲屯羽書交郡國烽火接吳門雲結殘兵氣潮添戰血狼因歌祈父什流淚不堪論

經過兵燹後焦土遍江村溝道豺狼跡誰家雞犬存寒風吹白日鬼火亂黃昏何自征科吏猶然復到門

乙卯冬留別安亭諸友

勉復行役殷勤感故知悠悠寒水上獵獵朔風吹彈雀人多笑屠龍世久嗤往來誠數數公等得無疑

丙辰自南宮下第還避倭往來無定居親交少至獨有一二同志

時來問學

江鄉卜築又城闤春去秋來似雁臣總是寂寥楊子宅如何更有問奇人

讀佛書

天竺降靈聖利益其在此雪山真苦行九惱尚纏已非徒食馬蓼空鉢良可恥紛紛旃茶女謗論或未已不知手指中摺出五御子

自海虞還阻風夜泊明日遠中有作

百里見青山言旋諒非徐風波仍水宿龍蛇驚夜居明發尤慘漫川途尚修糾木駛凌方約雲寒日未舒彌亘多芳艸寂歷少岐漁寒光冒明湖朔風轉高城舊事成往跡餘生惟讀書古人不可見歲莫安所如

壬戌南還作

半月困漳衛今旦望柳嶧景風時迎舟積水不盈尺行路日淹留端思渝
急迫昔往冒飛雪今來見秀麥蘊抱無經給徒旅空絡繹西苑方呈兔東
郡亦雨鯽胥鵠有假號建州乃充斥奈何唐荒朝不用賢生殺玄文故尚
處巵鷀藍潤澤天命苟無常人生寔多僻去去勿復言牧豕在大澤

淮上作

長淮餞落日圓光正如赭傾紅注流波殊景不可寫淮水自西流黃河從
北下併合向東行終年無停湧哀此千里客春至復已夏獨立空惆悵所
與晤言寡

瓊州張子的與余同年俱爲縣令江南子的自建德改當塗今入
覲又改榮縣一歲中三易縣若京師旅寓相近以詩爲別

宿表生異人始與最聞先余公亦掘起屹屹天聖間聖代丘文莊富學導
昔賢憶余童艸時嘗聽家君言吾郡有桑生恃才頗輕儇公見卽識之進
獎席每前夫人出佩玉珍饋羅綺筵當時吐哺風與古能比肩公文根理
要不肯事穢妍奈何浮薄子輒爾論議喧子的來公鄉年往志愈堅共余

曲江宴面帶鯨海顏問公石屋在世業存遺編君今爲縣吏宦轍如郵傳
廟堂亦無意何以不少憐使君自天來萬里往復旋君才豈不辨古道多
屯邏歎息時所尚爲廢循吏篇

奉托俞宜黃訪求危太樸集并屬蒋蕭二同年及長城吳博士
昔年宋學士嘗稱太樸文獨力撑頽宇清響薄高雲余少畧見之諷誦每
忻忻淡然玄酒味曾不涉世氣如欲復大雅斯人真可羣苟非知音實宋
公安肯云嗟乎輕薄子狂大方狺狺惜哉簡表亡家龍少所蘊徒爲嘗一
嘗盈鼎未有分四賢宦遊地博遠多前聞爲我一咨訪庶以慰拳勤

鄭家口夜泊次俞宜黃韵因懷昔年計偕諸公

飛沙竟日少光輝浪急風高月色微爲憶舍桃催物候尚淹行李未春歸
吳歌獨自彈長鋏楚製堪憐著短衣來往常經鄭家口當時同伴共來稀
淮陰舟中晚坐寫懷二十四韻

清浦輕風渡赤日微雲遮昨問圯橋履今卽下邳街淮酒市醱醕楚音雜
琵琶二麥吐新穂百艸敷繁葩紛披盈廣陌離鞍被平沙寂寂坐向晚悠悠
思轉加先皇昔在宥世道尚亨嘉朝廷制作盛公卿議禮譁庶僚或登

庸諸生多起家寒拙遭時廢再謝年華不得寄一命空慙讀五車迨乎
鴻羽漸幾將龍馭遐覽有青雲望奈何白髮懸鼈勉小縣吏奔走大府衙
循已常黯黯看人方呀呀何地棲鸞鳳並處混龍蛇世途行益畏吾生固
有涯萬事已如此一官豈足賒行矣歸去來莫使微名汚平泉記艸木安
丘任菌荀補亡綏狸首考古注君牙期以餘日月方將盤雲霞自是性所
適良非爲世誇苟無媿尼父或可俟侯芭

贈星人胡竹軒

竹軒曉星碧解剖究玄理試以斷養卒一一見出處予欲老江干因君忽
奮起戒塗上帝京老驥思千里吾豈富貴徒此意共誰語君來訪我時冰
雪躡穿履風吹漆紗巾使我常念汝

讀砂寺

望見石柱立知是招提址蓮宇已蕪蕩土牆何迤邐淡淡遠天色梅花帶
寒雨溪迴竹樹交風吹鳥雀起日暮湖波深蒼茫白雲裏

十八學士歌

十八學士誰比方爭如瑚璉登明堂立本丹青褚亮贊至今遺事猶焜煌

有隋之季天壤坼英雄艸昧皆侯王真人揮霍靜區宇遂偃干戈興文章
天策弘開盛儒雅羣髦會萃皆才良丈夫逢時能自見智謀藝術皆雄長
情哉嘉猷亦未遠風流猶自沿齊梁吾讀成周卷阿詩吉士藹藹如鳳凰
能以六典致太平遠追二帝軼夏商唐初得士宜比迹胡爲致治非成康
中間豈無河汾徒瞻邇師門竟不揚吁嗟房杜已如此何恨薛生先垂亡
奉酬馮太守行視西山幽隘次宋庄見棄田有作

雲代搏胡兵千里羽書亟戒隣畏明牧循山轉危蹟通谷數行迴在所皆
行至獫狁雖匪茹中國亦有備所悲雲漢詩餘黎靡子遺今歲洪水割懷
襄頤不異巨浪落高崖排蹙萬石墜周原昔廡廡一朝化磧地野老向天
哭前古所未記迢迢孤嶺絕習習陰風吹月明清霜白虛館不成寐何計
呻疲氓賦詩以言志往往展卷讀紙上見殘淚昔聞春陵行今人豈軒輊
余亦忝祿食空爾徒歎婉

題異獸圖

昔年曾讀山海經所稱怪獸多異名仲尼刪書述禹貢九州無過萬里程
搏木青羌何以至俗益所疏疑非真西旅底首召公懼作書訓戒尤諄諄

周史獨著王會篇唯府百惟來殊庭載筆或是誇卓犖傳久孰辨僞與誠
雖然宇宙亦何盡環海之外皆生人陰陽變幻靡不有異物非異亦非神
曾聞漢朝進扶拔唐時方貢來東旌壹角馬尾出絕壁綠毛忽向人間行
近代所聞非孟浪往往史牒皆有徵今之畫者何所似毋迺誕漫不足憑
攷古圖記豈必合任情意造皆成形盡似可作九尾赤首圜題隨丹青
嗚呼孰謂解衣盤薄稱良史不識駒牙與麟趾

徐記室渭

渭字文清更字文長山陰人十餘歲倣楊雄解嘲作釋毀爲諸生十餘年
胡少保宗憲督師制江招致幕府筦書記海上獲白鹿二少保屬文長艸
表并他幕客所撰郵致所善某學士學士以文長表進上覽之大說益寵
異少保少保亦以是益重文長督府勢嚴重文武將吏莫敢仰視文長戴
敝易巾衣白布祫衣非時直闔門入長揖就坐奮袖縱譚幕中有急需召
之不至夜深開戟門以待使者還報徐秀才方昵飲大醉呼呶不可致也
少保聞顧稱善文長知兵好奇計少保餌王徐諸虜用間鈞致皆與密議
當是時上方崇禱事急青詞當國者謂文長文能當上意聘致之文長知

與少保有郤弗應少保下請室文長懼及發狂引巨錐刺耳刺深數寸流血
狼籍又以錐擊啞囊碎之皆不死妻虎輒以嫌棄婦又擊殺其後娶者論
死繫獄憤懣欲自殺張宮論元忭力救乃解南游金陵北走上谷縱觀邊
塞阨塞屬虜營帳貰酒悲歌意氣豪其與寧遠諸子游皆兒子畜之入京
師館宮論邸舍宮論梭梭引禮法久之心不樂時大言曰吾殺人當死頭
一茹刃耳今乃碎磔脛肉遂病發棄歸棲戶不見一人挾一大與居絕糓
食者十年人問之曰吾歎之久偶厭不食無他也宮論死白衣往吊撫棺
大慟不告姓名而去諸子追及之哭而拜諸塗小垂手撫之不出一語十
年裁此一出耳貧甚鬻手以食有書數千卷斥賣殆盡憐筦破弊藉藁以
寢年七十三卒文長貌修偉白晉音朗然如唳鶴中夜呼痛有羣鶴應焉
讀書好深思自謂有得於首楞嚴莊列素問參同契諸書欲盡斤注家膠
英獨標新解艸書奇偉奔放盡花艸竹石超逸有致嘗言吾書第一詩二
文三畫四有關納櫻桃館諸集文長識評王李其持論迥絕時流文長及
王李之焰益熾無過而問焉者後三十餘載楚人袁中郎游東中得其殘
帙示陶祭酒周望相與激賞謂嘉靖以來人自是盛傳於世周望序其集曰

文長文類宋唐詩襍入于唐中晚自負甚高於世所稱主文柄者不能俯
出游其間而時方高談秦漢盛唐其體格弗合也然其文實有矩度詩尤
深奧往往深于法而畧于貌古之窮士如盧仝孟郊梅堯臣陳師道之徒
所為或未能遠追也中郎則謂其胸中有一段不可磨滅之氣琪桂失路
托足無門之悲故其詩如眞如笑如木鳴峽如鐘出土如寡婦之夜哭
入之寒起當其放意平疇千里偶爾幽峭鬼語幽墳微中郎世豈復知有
文長固望作文長傳謂中郎徐氏之桓譚詎不信夫

與楊子完步浣紗溪梁有懷西施之鄉

明月照江水截梁與子當時如花人曾此照鉛素江流不改易月亦無
新故薄雲淡杪林晴沙泛寒露借言伊人閒應在烟生處

泛舟九曲

老王亂青冥皇天夜遺蛻餘骨散九州頭顱此焉寄人視萬劫餘天意一
夕計遊艇沸滄波吳楚熟營衛亭午入數折冲然元氣閉縣半昇羽人毛
竹倚仙姊辟彼齒牙蠹生死艷鬱內世人不解奇但識世間爭示之帝所
遣惟以溪山聊

丙辰八月十七日與肖甫侍師季長沙公閱龜山賦地蓬登同舟

觀潮

白日午未傾野火燒青吳蠅母識殘腥寒蜃聚秋艸海門不可測練氣白
於持望之遠若遲少焉忽如掃陰風噫大塊令艷擁長島忙沫一何繁木
與水相濯玩弄狎鬼神去來準昏曉何地無恢奇焉能盡搏討

沈參軍

青霞

參軍青雲士直節凌邃古伏闕兩上書裸裳三弄鼓萬乘急宵衣當廷策
強虜借効師傳驚罵座丞相怒遁轂辱帥臣籌邊著詞賦載身東市頭名
成死誰顧

入燕三首

董生抱利器鬱鬱走燕趙賤子亦何能飄然來遠道行止本無常臂彼雲
中鳥朝飲西園池暮宿北林杪感事復懷人生年苦不早欲吊諒諸君跡
陳知者少垂首默無言春風秀芳艸

荊卿本豪士漸離亦高流舞陽雖小小殺人如芟苗眇然三四夫挾燕與
秦仇悲歌酒後發涕下不能收猛氣驚俗膽奇節招世尤見者徒駭顧

能諒其山我生千載後
綱茲如有投時遠動自安忽作燕京遊
短鶴入沾
肆酒至思若抽念彼層與吸零落
嶧山丘皇皇盛明世六轡控九州七首

衝野土廣道鳴華輶寸規不可越安用軻之儔我恩遠及之曠若林與鶩
鳳鳥不可得蒼鷹以爲求
大鵬奮南徙豈爲北海籠越鳥不逾南見與胡馬同自愧無垂雲搏彼滄

溟風猶能勝鵠鵠與濟相始終上林多喬枝萬羽亦足容匝樹繞不棲翻

附南飛鴻春冬遞遷謝候忽兩月中臥席不得煖來徃何憧憧

刈圃

艸孽始一寸及壯丈有餘豈直斂卽帶兼以節蚊胥夜熱不可寐寧止不
露居竊恐值此輩股髀遭其咀就中擬厥罪蚊也尤其渠其他不出境惟
此遠追趨穿幬耿紈塵打撲不勝劬更番以迭進安得盡屠誅乘響苦不
震萬發啾啾織工者攬夢寐一夕百起呼蚊孽固莫逭草實主其逋呼童
問腰鎌不用安所須蘿此忽如掃一翅不得歸譬彼寒垣莽徃徃伏戎胡
出水燒其荒窟穴空妖狐莫謂野人賤刈圃非雄圖

白鶲錢子易書故曰王孫蓋鑿之後也

野性悅鳥魚客寓尚籠致正如好竹人借居亦栽蒔鷗鳥自南來貿入西河里王孫好法書籠以易吾字墨絲繡雪衣綠羈作襦帳有時轉喉中體若娟雲際日夕湖水波秋樹葉微紫送客不出門白玉掃長華

越王峰寺有僧歐兜蠻

伯圖旣灰寒衲蛻亦禪今都付塑工泥迅矣千秋瞻我來植桃花有似蝶遺粉一宿歸去來晨齋飽蔬筭

柳元穀以所得晉太康間冢中杯及瓦券來易余手繪二首

券文云大男楊紹從土公買冢地一丘東極闢澤西極黃牒南極山背北極於湖直錢四百萬卽日交畢日月爲證四時爲伍太康五年九月廿六日對共破剪民有私約如律令詳玩右文似買於神若今祀后土義非從人間買也二物在會稽倪光簡冢地中於萬曆元年掘得之地在山陰二十七都應家頭之西尚有一白磁獅子及諸銅器銅器出則腐敗矣獅尚藏光簡冢閑有黃兔窖杯紋色似之然非也杯有柄似尊

遙思冢中人有杯不能飲孤此黃兔窖伴乎三百稔券鑄四百萬買地作衾枕想當不死時用物必弘基尊罍羅寶玉裘袜賤繡錦葺有纖織指揮

此銀泥葷存亡隔一丘華寂迥于仍活風勝死玉斯言豈不審
古人笑不飲此說豈無見五斗叫劉伶哀來淚如雨嗟彼太康子冢中亦
杯玷固知好飲徒無咽可澆嘵杯出黃土中忽復受餉灌臂彼避秦人乃
不知有漢我欲學盧充詣市賣金益庶幾遇小姨知是崔氏玩

送蘭公子

阿翁學師也揚州人

耶溪芹藻色相伴秋荷老公子竭重來傷心那可道會日苦無多相別一
何早八月廣陵濤一葉渡殘照

燕子磯觀音閣

青山如美人樓觀卽奩粧若無一片鏡妙麗苦不昌茲石一何幸值此江
中央上乘巨檣支下集帆與檣朱碧得水鮮鳬雁拂波光烟霧不見海神
去萬里長我與三友俱兼以僮僕雙日西買市飯半道謝驢輶歸來之燈
燭微雨沾我裳沽酒不成醉頽然倒方牀猶夢立閣中遙觀大魚翔

治家二首

馬血爲轉燐人血爲野火何爲松柏間赤輪陟如跛人言鬼炬微神者赤
而大騎導向空馳墳雲盛旗馬枯冢僻且荒來遊則云那我欲往詢之恐

伊無可話隔河聞於菟黃犢夜在野一夫呼以馳炬滅松露瀉夜觀野火
子長聞故云云

明器夜爲人幽宮盡婚壻此事容有之要非是常紀嘗聞掘冢徒自言習見鬼齒骨滿百年比次作泥委水銀築長河魚膏燈玉几苦作沙丘儀未免刦時毀客有明月珠一夕失所在黃金飾檮箱洵美亦何濟

俠客

結客少年場意氣何揚揚燕尾焚狐箭柳葉梨花槍爲吊侯生墓騎驥入大梁

道堅母哀詞

道堅母在時隨我遊五洩適當大雪辰衣濕不能熟道堅解衣我絮厚百
株綿云是母氏慈每出必紉綴有婦非不勤母自嗜據拮去此不五春母
與子長別子來屬哀篇忽值天雨雪春候思柔條秋至感鳴鶻念昔濕衣
裳命管忘好拙

送劉君

南雁正北歸君今復南去羽族如遊炎君胡故觸髮嗟哉失路人安所避

辛苦而我亦同之臨岐淚如雨

上家

吾叔邵武公當年與我翁雙陪閩蜀守竹馬走兒童歸來知幾日相繼歸
窀穸黃泥閉雪巒欲會鄉可得叔家城北居高棟亦彫題邀賓夕駐馬爲
母日烹雞一朝桑海換不能保子孫負薪家上道養鴨水邊村我今大十
五仍高破角巾年年上爺家每每到孫家孫家留我坐孫婦辦湯茶以我
上家牲啖孫且滿引達離黃蝶飛抽離高碧筍起視檐西東分簷住蜜蜂
問蜂窠幾許四十還有餘窠窠如不敗勝我十畝利

往馬水口宿烟麓陀庵

昔從良涿行茲山在雲際昨夕宿茲山雲乃出衣袂四徒夾一輿兩膝拳
至暮一里轉百盤鋸牙不得直結葦以爲麤削木冒金髻夜鍾促超懸晨
雞聊一尋巔旣高騫贊既復孤厲回思燕趙時築城過胡騎安得盡如
斯脫甲開戶寐

陰風吹火篇呈錢刑部

陰風吹大火欲然老梟夜嘯白晝眠山頭月出狐狸去竹徑歸來天未曙

黑松密處秋螢雨
烟裡聞聲辨鄉語
有身無首知是誰
寒風莫射刀傷處
關門縣盡稀行旅
半是生人半是鬼
猶道能言似昨時
白日牽人說兵事
高旛影臥西陵渡
召鬼不至毗盧怒
大江流水枉脣儂
馮將呪力攀濃霧
中流燄火密如螢
饑魂未食陰風鳴
髑體避月攬殘黍
幡底颯然人髮豎
誰言墮地永爲厲
宰官功德不可議

楊妃春睡圖

守宮夜落胭脂臂
玉階艸色蜻蜓醉
花氣隨風出御牆
無人知道楊妃睡
卓紗帳底絳羅委
一團紅玉沉秋水
盡裏猶能動世人
何恠當年走天子
欲呼與語不得起
走向屏西打鸚鵡
爲問華清日影斜
夢裏曾飛何處雨

射雁篇贈朱生

去年射雁黃浦口
三軍進酒齊爲壽
今年射雁復何處
海舶停沙大旆豎
君本臨洮豪傑士
漢時六郡良家子
作客羞爲堂下人
射生憤落雲中羽
腰間束矢插兩房
連年驅賊如驅羊
轅門待士近不薄
朝來歸興何洋洋
丈夫有遇有不遇
去留之間向誰語

八月十五日映江樓觀潮次黃戶部

魚鱗金甲屯牙帳翻身却指潮頭上秋風吹雪下江門萬里漫花捲層浪
傳道吳王度越時三千強弩射湖低今朝巡上看傳令暫放胥濤掣水庫

述夢

伯勞打始開燕子留不住今夕夢中來何似當初不飛去憐鴉雄雌惡侶
兩意茫茫墜曉烟門外烏啼淚如雨

二馬行

誰家兩奴騎兩驄誰是主人云姓宗朝來暮去夾街樹經過烟霧如游龍
問馬何由得如此淮安大荳清泉水胸前掛兩獄橫難羈尾撒圓毬驕欲死
陽春三月楊柳飛騎者何人看者稀梅花銀釘革帶肥京城高帽細褶衣
馬厭豢養人有威出入顧盼生光輝去年防秋古北口勁風吹馬馬逆走
對壘終宵不解鞍食粟連朝不盈斗將軍見虜飽掠歸據鞍作勢呼賊走
士卒久已知此意打馬追奔僅得獎天寒馬毛腹無矢餓腸霍霍鳴數里
不知此處踏香泥一路春風坐罷綺

觀獵篇序

王將軍邀予觀獵時積雨初霽飛走者避匿予從將軍諸騎士牽狗出次

平門抵海寧沙上頃刻馳百餘里不見一雉兔而還乃割所攜鮮飲月唐寺中

茅刀割水矯紅茜風偃寒梢臥長堰青林疎樹隔荒墳白水茫茫看不見
將軍本是北平豪記得依稀身姓曹怕向揚州作貴客慣從下澤驟鳴鑣
萬里秋郊平似舸千騎圍中一是我箭叫餓鴟龍騰快馬趨鹿逐聲解繩
掣鎖耳後生風鼻頭出火自來此州殺賊不暇阜鵬氣銷韓盧魄膽昨見
儒生衣長履大入揖令公揮全不謝抽筆制詞彎弓輒射住釋挾盾割牛
食鮮外枯中腴無所不可促騎請邀微徒出野牽犬莫遲見兔輒打儻遇
大兕一發斷裸爲先生壽引滿十輩健兒跪領將軍言翻身上馬去如烟
寶刀映日不足數角巾受風真可憐淺艸平堤水痕聚萬蹄避水移家去
沙擁肥鞍掠岸飛絰率小豸當空乳漢將窮追路欲關胡家甌脫避何難
今朝立馬祁連上不見匈奴一騎還

畫鷹

閩南縞練光浮縠傳真誰寫蒼崖勢生相由來不附人綠韁空着將軍臂
八月九月原艸稀百鳥高高兔走肥烟中斂翼遠不下節短暗合孫吳機

此時一中貴快意深林燕雀何須避惟將搏擊應涼風誰貪飽鬱吟山雉
昨見少年向南市買鷹欲放平原響凡才側日餉人餌不似畫中有神氣
夜來鵠梟作精魅安得放此向人世秋風一試刀凌翅

贈歌者

東風吹雨楊花落清歌細遠鳴鐘閣斗酒將傾客不來自月斜飛晚雲薄
回腰欲舞不得舞試買羅衫倩誰估

正賓以日本刀見贈歌以答之

昨者呂君兄弟留余飲旬日盡是陳遵醉投轎有如前日桐鄉之圍無呂
新却是睢陽少南八呂君虎腰綯虎額萬擣梯城雙僻格幕府廳前脚打
人夜報不周崩一壁飛甓雨下完孤城張巡不死南八生五千步馬隨朱
泚手指東海鳴金鉦解刀贈我何來者斷倭之首取腰下首積其如刀有
孫子詩兄前人一把是日別君囊飛子佩刀騎馬三十里夜眠酒家枕刀
醉夢見白猿弄溝水把鞘還驚未脫底電母回身不敢視黑夜橫分芒碭
蛇清秋碎割咸陽顰脣箇乃脫介俚世間寶物稀有此方蟬道人窮莫比
挂壁穿之蒯綵耳人言寶刀投烈士呂君何不持之向燕市荆柯聶政猝

難致五陵七貴家。家是報恩結義，從此始却以投余。據何理？雄心如君真可擬用，以投余良有以。夜復酬歌感知已。

錦衣篇答贈錢君德夫

嬌慾風雲悲，下雨丈夫自是人。中虎罵座曾喧丞，相筵槌鼓終埋江。夏土南州有士氣，不羈應科赴召靡。不爲闢中幕，下豈所志？有托而逃世，莫知西河高士雙。眼碧聞人多矣，金在石獨許文章可。將兵到處降旗出，城壁渭也。聞之笑開口，渭才敢望諸君。後小技元羞執，戢人雄心自按調。膺手古來學道知，者希今世誰論是與非。嘯歌本是舒孤抱，文字翻爲觸禍機。君不見沈錦衣？

石門篇贈邵大佩

君不見邵大佩，家住石門天所買。兩峯挾漢扶太陽，十里爲波到滄海。見君四明西郭外，主人樓居清水帶。一夜高論懸河流，四壁古文蠹魚樂。却說邵君赤城客，挾策從師歲三改。綠袖青衿美少年，騎龍策鳳專相待。邵君斂衿如欲前，自言家住石門邊。僊人不去桃花洞，霞氣時流芳艸邊。須臾抱筆加我手，邀我題詩進我酒。

賦得百歲萱花爲某母壽

二十年前轉眼事憶共郎君醉城市阿母烹雞酒夜筵夜深燭短天如水
我母當時亦不嗔郎君過我亦主人兩家酣醉無日夜蟬愁籞怨杯生茵
只今勻首二十載我母不在爾母在八十重逢生日來雙屏况復門庭改
我今破綱未器然兩翅猶在彈丸邊郎君筆一紙阿母多應贊一言
上壽誰人姓張者圖裏萱花長不謝阿母但辦好齒牙百歲筵前嚼甘蔗

天壇

高皇乘此馬夕月今誤用之爲郊日官事見百陽錄

張公當時騎白雀下與高皇共斟酌一從九鼎向幽燕碧壇空鎖琉璃斷
古松舊柏黑成迷綠瓦從中一雉飛揚雄不得陪郊祀空憶當年執戟時
龍駒遠自施羅來開平已死無人騎却付羽林誰健兒壓沙五石緩其蹄
真人雄心老更雄月中自控赴齊宮四十八衛萬馬中一塵不動五里風
黃柏太苦蕨太甘盛時文字忌新尖當時作頌單枚馬付與金華宋景濂

十六夜踏燈與璩仲玉王新甫飲于大中橋之西樓

樹枝畫月千條絃十五不圓十六圓挂向酒樓簷外邊南市好燈值底錢
大中橋上遊人坐不飲空教今夜過紅脂在口香在樓那能一箇到壇頭

青衫白馬無聊甚
望斷黃金小鉗鞚

淮陰侯祠

荒祠幾樹垂枯棗黃泥落盡朱旗纏花桐漆粉綴鬢眉猶是登壇人未老半生作計在魚邊纔得河隄老婦憐誰知一卷長竿去唾取真王只五年暗中朱碧知誰是濁水渾魚每相似當時密語向陳豨更誰傳向他人耳丈夫勲業何足有爲虜爲王如反手提取山河與別人到頭一鏤悲哀狗

寫竹贈李長公狀

山人寫竹畧形似只取葉底瀟瀟意譬如影裏看叢梢那得分明成个字公子遠從遼東來寶刀向人拔不開昨朝大戰平虜堡血冷轎轤連鞘埋平虜之戰非常敵御史幾爲胡馬及有如大酋之首不落公子刀帶胄諸君便是去秋阮遊擊不死虜手死漢法敗者合死勝合優公子何事常憂愁一言未了一歎息雙袖那禁雙淚流却言阿翁經百戰箭鏃刀鋒密如霰幸餘兄弟兩三人眼見家丁百無半往徃彎弓上馬鞍但有生去無生還只今金玉腰帶終是銅瓶墜井幹兼之阿翁不敢說曾經千里空胡穴武人誰是百足蟲世事全憑三寸筆山人聽罷公子言風攻腰子漫

捫欲答一言無可答只寫寒梢捲贈君

劉總戎國輓章應乃子索

子言和戎非翁志也第人言不死于婦子也

胡塵不動天山沒胡兒拽馬求漢物壯士收羽鐵早鳴將軍射雁嬉青鵠修鬢三尺別沙場苗葉金鎗插在窗閣將馬革不得裏羞向紅妝泣數行雁門昔有李將軍公亦提符守雁門數奇數偶梟廬等必得封侯有幾人

琴高圖爲李勣衛賦

天上神儂塞紫虛人間毛穎不勝書乍聞弄玉騎青鳳又見琴高跨赤魚千年古素粘蝴蝶蒼濤高處擎紅煩不知儂是畫中人欲請波臣後鱗鬚漁樂圖都不記劍子誰近見湯君顯祖慕而學之

一都寧止一人游一沼能容百網求若使一夫專一沼煩惱翻多樂翻少誰能寫此百漁船落葉行杯去渺然魚蝦得失各有分蓑笠陰晴付在天有時移隊桃花岸有日移家荻芽畔江心射鰲一丸飛葦稍縛蟹雙螯亂誰將蓑笠一筐提誰把楊條一線垂鳴榔趁獮無人見逐岸追花失記歸新豐新館開新酒新鉢新姜搗新菲新帰新雁斷新聲新買新船繫新桺新鑪持去換新錢新米持歸新竹然新楓昨夜鑄新火新笛新聲新莫烟

新火新烟新月流
新歌新月破新愁
新皮魚鼓悲前代
新艸王孫唱舊遊
舊人若使長能舊
新人何處相容受
秦王連弩射魚時
任公大禹剝牛候
公子秦王亦可憐
祇今眠却幾千年
魚燈銀海乾應盡
東海腥魚腊盡乾
君不見近日倉庚少
人食一魚一沼容不得
白首渾如不相識
反眼輒起相彈射
蛾眉入宮驥在檻
濃愁失選未必失
自可樂兮自不憐
覽茲圖兮三太息
噫嗟嗟樂哉愧殺青箬笠

漂母非能知人特一時能施於人耳觀其對信數語可見而古今論者胥失之予過其洞感而賦此

男兒偃餓淮陰上老婆一飯來相餉自言祇是哀王孫誰云便識逢亭長
秦項山河一手提付將降準作湯池稱孤南面魂無主萬古爭誇漂母祠

穀日大雪口號二首客南京

穀日之雪一何大一尺半自昨夜望中飛絮已迷天安得猶窺鳳城瓦
橫街十丈滑如油短驢難踏轉生愁江邊總有梅子化發詩客應無箇遊
晴天好驢穩如坐鵝眼黃邊只十箇今朝百箇不到騎早起懷人午將過
此時觀中楊道人三四黃冠擁火盆東邊殿閣高舞數笑指瑤池白玉京

雪中騎驢訪某道人於觀追憶曩日棲霞之約

昨日雪深驢沒蹄今日雪晴驢可騎此時去訪揚道士青天猶墜楊花垂
太平門外雖多景致妙梅花水清冷棲霞有約不得行孤負千峯老鴉頸

沈叔子解番刀爲贈二首

沈子報讐塞外行一詫便得千黃金買馬買鞍意不愜更買五尺番家鐵
鏽金小字半欲滅付與碧眼譯不出細瓦廠中多狐狸京師夜行不敢西
叔子佩之只一過嵩高連夜聞狐啼今年我從上谷行中丞謂我物矣庚
賈驢南歸只兩旬只愁馬上逢黃巾叔子見我無所仗解刀贈我行色壯
畢竟還從水道歸挂在蓬窗兩相向一日十拔九摩溼鞘影鱗鱗入向河
須臾報道漁單外電腳龍騰五尺梭

知君本有吞胡氣太白正高秋不雨白颶五尺自西來出匣不多飛欲去
佩此刀向遼陽土蠻畏死爲君降關氏縱有菱花鏡斷却螭蟠那得壯君
如佩此向上谷而翁之死人共哭黃酋亦重忠義人一見郎君悔南牧河
奔雲中盡虜庭君如佩此去從軍不須血染鋒邊雪但見旗褰馬上雲看
君眼大額廣長有如日月挂扶桑君有寶刀君自佩解刀贈我不相當

寄鄭績溪仲玉爲錢氏門人

績溪縣亦神州赤聞君作簿無魚食誰能嚼肉過屠門瘦殺鸞插一枝棘
近來二哥自縣來覽君詩帙羨君裁高情欲併崔松館別體尤工漢柏臺
文成一線今將斷錢翁老死寒灰散十年半夜急傳燈西來衣鉢君應管
莫言小釜烹鮮魚莫言牛刀割隻雞真儒不揀啼兒抱主簿同安是何誰
去年別君天眞館我猶綽翅君飛遠只今縛解翅不長無由一奮來溪畔
司馬功高舊主人君真父母匪邦隣墳頭松櫓今何似匣裡弓刀暗却塵
由來壯士悲羅雀我亦因之感死巍今來已是十餘春金錢銀錢不一繙
我復何辭公不嗔會須上塚拊愁雲一哭裂却石麒麟下來與君談苦辛

四張歌張六丈七十

開元之唐有張果乃云生長陶之唐師漢帝者張子房子房之後有張蒼
張蒼之齡百餘許老夫牙齒只吃乳夜夜枕前羅十女子房辟穀祈不死
先師黃石公後約赤松子張果騎驢驢是紙明皇藥果杯酒裡果齒焦黑
如漆米起取如意敲落之新牙拂玉光如洗三郎驚倒謂玉環我欲別而
渡海尋三山玉環淚落君前梨花春雨不得乾繫彼三仙人是君之祖君

是孫今年已丑臘嘉士正君七十之生辰三祖消息雖寥寥桃仁傳種還
生桃况君作詩句多警又如爾祖張三影三影詩翁八十餘此時特娶如
花妹正宜七十張公子夜夜香衾比目魚

十月望十二月朔百舌羣鳴連日臘朔之夜雷電撤曉大雨兩月
鄉村人來說虎食人經秋不去

萬曆十八年十二月之朔百舌聲聲叫如昨如朋喚友互答應乃走氣機
使然諾百舌小易商頸項使之敢不聽雷電本大物蟄藏已久矣何爲十
一月徹夜殷殷令人驚電入我窗兩三劃我疑是燈還未滅起看燈花已
落油已乾始知是電耳非闕燈之殘氣候變遷亦常事山林老翁開料理
十月十一月連月苦大水十二月來還未止猛虎食人如食豕百物價高
寧倍屣我亦左聽右出耳信知十說九是詭不飲不啖折已矣賓來賓去
無將迎攜榼提壺見好情謔談不把蒼毛塵偶語惟禁白玉京儿筵屏帳
無家火鞋襪衣衫多補丁噫嘻吁百鳥之語誰能解百舌唱歌或報瑞年
來世事恠反常常反恠安得公冶來爲易譯出令人快我所解者提胡盧
枝頭勸我隣家沽提胡盧不知吾少青蚨

銅雀妓

重泉鑽玉燕閼端繞金城君銷陵拍土妾斷偃松蘿薦夢無雲雨留香別
綺羅願爲銅雀瓦十死托漳河

琉球刀時客泰山

單刀新試舞雙劍舊能輪雨過腥聞血風旋雪裏身對鏡婦思動桂壁淒
緜塵醉後時橫看終當贈與人

春日過宋諸陵二首

羣葬未須憐生時已擣遷威儀非舊典世代是何年過客悲山鳥王孫種
墓田回看龍頭樹似接汴京烟落日愁山鬼寒泉鏘殯宮魂猶驚鐵騎人自哭遺弓白骨夜半語諸臣地
下逢如聞穆陵道當日悔和戎

金客

君是鄰兒非黃須短褐衣單身亡命去虜首賣錢歸業曠家人棄門寒結
客稀自知終有用窮巷且藏機

賦得戰袍紅

時少保公得瑣局制製袍命賦

海罽深啼猩征袍製始成春籠香共疊夜帳火俱明自與鶴旗映還宜蟠
繩戰歸新月上脫向侍兒擊

嚴先生祠

碧水映何深高蹤那可尋不知天子貴自是故人心山靄消春雪江風灑
暮林如聞流水引誰識伯牙琴

懷陳將軍同甫

時鎮滇漢鑿昆池于長安而將軍親見於滇成一笑失

飛將遠提戎翻翩氣自雄椎牛千嶂外騎象百巒中銅柱華封盡昆池漢
鑿空雁飛真不到何處寄秋風

初入京瞻宮闈

城中夷夏極天上帝家西內宸居逼南都地賒鳥啼御溝柳象散閣
門花昨到貧方朔封書載幾車

聚法師將往天台止其徒玉公庵中余爲留信宿

王芝

欲向天台去先爲剝水尋秋行萬山出夜宿一庵深燕語調花氣猿啼帶
講心年年石梁興送爾益沈吟

哀周鄭州沛二首

莫以拘筆輩交攻放達偏窮如知老後樂似久年前匣藻鮫俱泣閑花石
共遷傷心能幾輩教我不潸然

寒涕尋前詎敲門憶昨晨梟盧呼未歇蝦蟹醉仍頻日者過荒館霜顛破
角巾飄零寥如此昨日故將軍

賦得風入四蹄輕四首

清總戎嘗騎千里馬風掣其衣僅存襟背又云趙總戎亦然故三章云

駿馬四蹄風形容客有杜公一塵不動外千里颯然中白艸連天靡蒼鷹蹋
翅從檀溪不須躍隨意過從客

愛妾換初訓將軍幕紫駕驥只聞響陣陣不禁秋練影難長曳房星易
一流路旁看不細多是失回頭

借將從虎物并去翼劣非戎削纔辭櫨崩轂已破圓寒呼隨跪起黑旋裏
鞍飛曾聽將軍說雙雙碎鐵衣
赤驥本龍精行時不是行看遲八尺影過急一圓聲帶烙成駢死嘶鹽了
此生孫陽何處是淚盡大行程

道場山贈栖雲禪者

古塔臨空寶閣欹雲峯上去路遠迤山田篠竹靜人出湖水行舟落葉移

風靜鳥翔施飯石日斜魚聚於生池遠公心地元無住却共飛雲此住持

君從

君從閩海下南昌正值中官降玉皇龍號真人親拜斗繡衣使者自焚香壇中祝壽千官滿官裏傳旛兩道長不是薄遊江海客何由得覩此輝光

九重

九重愛隱德如湯禱祀壇傍夜有光早懸正逢周甲子神君俱集漢明堂繡成旛蓋虹變引桂定琉璃水一行聞說詞臣咸萃止抽毫拂素侍君王

保安州

寄青霞沈君

終軍情憇幾時平遠放窮荒尚有生兩疏伏階真痛哭萬人開幕頗橫行朝辭郢第風塵暗夜度居庸寒火明縱使如斯猶是幸漢廷師傅許誰評

奉送同府潘公募兵廣東二首

使君佐郡儼行春開府知名下令新手挈萬金收先士身藏半綬見鄉人部分卷甲趨春雨弩矢成行夾盡輪引向轅門投謁罷試看羣豪集魚鱗規承節命遠徵兵暫侍高堂錦服朝橫游舊多經戰士狹斜新識少年名宿依山店樵蘇寂行負藤干結束輕來往莫須愁道遠明春專待破番營

寓穿山感事

龍城隔海一山圍何事東方滯哀衣曉日每看牙將集秋風自送遠人歸

霜寒戊艸嘶征馬潮落江門露釣磯欲請長纓何處是且尋酒伴扣荆扉

從少保公視師福建抵巖宴毗北高峰同茅大夫沈嘉則

晉公雅望復英姿坐領樓船遠視師夜半自平淮蔡日秋深同上華山時昌黎侍裴晉公征淮蔡信遊華題名軍營列岸江全遶騎火穿林席屢移却說陪遊賓從美不妨帳底有風吹

與客登招寶山觀海遂有擊楫峯港一窺賊壘之興謹和開府胡公之韻奉呈

滄海遙連雉堞明登臨喜共慕賓清千山見日天猶夜萬國浮空水自平不分番夷營別島願圖方畧至金城端來正值傳飛捷露布催書倚馬纓宿長春祠夜半朱芒和暢呼起視月

長春明月夜攜干起視當眉尺五間千里林光俱浸水一杯江氣亦浮山似聞隔岫吹長笛欲喚真官語大還忽憶廣寒清冷甚有人孤佩響珊瑚

恭謁孝陵正韻漢高帝廟皇祖而以少文終其身故五云然足曰監舉陳允事

三百年來一老生。白頭落魄到西京。疲驢狹路愁官長。破帽青衫拜孝陵。
亭長一杯終馬上。橘山萬歲始龍迎。當時事業難身遇。馮伏中官說與聽。

答贈盛君時飲朝天宮道院

長安道院一牽裳。司馬筵中再舉觴。柿葉學書才不短。杏花插鬢意何長。
藥沉綠醑家厨釀。霜折紅蕉道觀房。坐裡黃冠三兩輩。醉來相與說先皇。

宮人入道明月宮女名

在陽隊裡混鉛華。垂老參師日半斜。不向秋風怨團扇。却教明月進琵琶。
朝留楚簷身爲雨。夜繡茅君線作霞。見說猿山關姊妹。尚論恩寵舊誰家。

李長公邀集蓮花峯

馬水雄關天畔開。招儲暇日更登臺。高山似爲遜胡設。折磴偏能勒騎迴。
杯杓催時嚴黑雨。琵琶隔座攬輕雷。須臾捲地寒風急。似送荆卿易水來。

邦憲死朱氏而俠

遠從黃浦白波邊。淚盡枯魚黑索前。共許相逢還幾度。詎知此別卽千年。
自楊樹下多風起。廣柳車中少客眠。見說吳門塘上曲。縱歌高士卽潛然。

送鄭職方

高皇寶鼎北平遷羽衛猶屯萬寵烟養虎最宜防猝餓調鷹莫更使多眠
長江水綠千矛閃大樹旗紅一的縣匹馬不嘶穿壘過知君此際氣翩翩

贈遼東李長君都司

公子相過日正西自言昨日破胡嶠寶刀雪暗桃花血鐵鎧風輕柳葉衣
百口近來餘幾個一家長自出重關禪闈夏色炎如此聽罷悽霜雜霰飛

徐州將登黃樓同舉下之婦

今歲青青龍夢糊去年河水過堤流無家不自波中出有贅都經樹杪旋
棗葉雙扉詢翠袖柳根一面護黃樓泗州潭底獮猴老不信今還鎖泗州

駕歸自問羣望于衛恭賦三月三日

桃李晴曬禁苑烟鑾輿新幸北郊旋圃花靺鞚蒐春日細柳旌旗拊髀年
一道甲光將雪借千羣馬色截雲鮮誰兼將帥爲天子共喜文皇九葉玄

壽吳宣府

近來宣府息烽埃台上求生欵饋臺笑引雙椎胡女拜傳呼萬帳令公來
艾年佩鵠寧非早發省垂魚不待推報與江南春題詩寄處隴梅開
燕子樓

牡丹春後惟枝在燕子樓空苦恨生昨淚幾行內擁唇當年一顧本傾城
分爲翡翠籠俱老訝道泉臺伴不成猶勝分香臺上妾更無一個哭西陵

駕幸月壇羣望西街

玉露清秋湛碧空金輿夕月引羣工紅雲自結龍文上彩仗如移坐影中
壁畔常儀端捧鬯郊西新颯正垂弓布衣久分華山健笑向嶧嶢曉風

九月十六日遊南內值大風雨歸而雪滿西山矣

石鱗魚藻青旗
所傳云是西洋

寶樹瓊臺夾梵輪星壇月宇詎非神從來天上游俱夢說向人間恐未真
風雨故稍銅網覓魚龍欲活石橋鰐尋詩正是廻馳處忽雨西山雪照人

聞都督再薦山西武寧

胡牀雪夜斗牛裘覩待回探夜不收渤海咽喉此爲最山西將帥繭解優
千金粉面捐廄養百騎朱提買絡頭倒死瀟欄姑諸誥大宛終敗匿驛
自全道走居庸雪連峯百仞橫障百折銀色晃晃故來撲人中一
道亦銀鋪也坐小兜冒以紅氈被襪數頃因劖皮書相後先水氣
栗冽肌粟晶晶如南夏痴瘡苦吟凍肩信筆慙甚却贏得在荆

物乃三與大
醫政有者

和韓詩集卷十

半日

關圖畫中浮生半日
身夜飛花苦不多朝來起視白峩峩一行裘帽風中去半日關山雪裏過
銀鬢望夫高入漢玉屏隨客折成河中間一道明如線四角紅魄擁駿驥
此題選自唐時王客京師漫賦
重修乾清宮歲迎慈聖再御輦回此題選自唐時王客京師漫賦
關圖重新紫極熙姪姜再御寶輒移慈顏旣近趨承易聖體猶冲保護宜
鳥換歌筵前日曲花絲輦路舊時枝一人奉養兼天下大孝鴻名萬古垂
讀文信公仙巖祠集焚弔

每疑天意不分明枉殺呼天問屈平諸葛旣難扶後主廬陵何用產先生
停舟此夜艱危地出戶當年歎息聲腦子不靈尤恠事竟將腔血灑燕京
寄上海諸友人

雙魚歲晚渡江淮斧飯庖羹又換春棄甲可望天上客射書元屬海東人
天愁夜幕鈴急櫛暗縹藤鼠正巡湖水萬重蘭芷隔因君還上佩芳身

清涼寺云是梁武臺城

講梁臺殿一灰飛葬麥清明雉兔肥瓊榜幾更金刹字儕觀應燭鐵城闕
東來鏡折龍潭水北去蘆長燕子磯千古興亡眞一夢隔江聞數剪鶯啼

蘭亭次韻

相傳蘭與寫蘭亭記抵闌百花一時盡開

長堤高柳帶平沙無處春來不酒家野外光風偏拂馬市門殘帖解開花

新觴曲引諸溪水舊寺巖垂幾樹茶回首永和如昨日不堪悵望晚天霞

某君見遺石磬

酒上歸來動隔年親提浮磬與冷然一除梵版裁雲俗再扣哀鶴達竹圓老去固難腰似折貧來直到室如懸閒窗重理當時架數杵香殘客話邊

伍公祠

吳山東畔伍公祠野史評多無定時舉族何辜同刈艸後人却苦論鞭戶退耕始覺投吳早雪恨終嫌入郢遲事到此公真不幸鋤鏤依舊遇夫差

岳公祠

墓門朱戟碧湖中湖上桃花相映紅四海龍蛇寒食後六陵風雨大江東英雄幾夜乾坤博忠孝誰家俎豆同腸斷兩宮終朔雪年年麥飯隔春風訪李岣嶁山人於靈隱寺岣嶁七言詩故先是禹崧年少暇則有未印自湖上故有未印七年被隱

七年火宅三車客十里荷花兩葉人兩岸鷗鳴渾似昨就中應有舊相親

某伯子惠虎丘茗謝之

虎丘春茗妙烘蒸七碗何愁不上升青箬舊封題穀雨紫砂新罐買宜興
却從每月橫三弄細覺松風颯一燈合向吳儂形管說好將書上玉壺水
錢王孫餉蟹不減陳君肥餽酒而剝之特旨

蘇主用字換霜螯待詔將書易雪糕併是老饕營口腹省教半李尊蠻嘈
百牛生死鷺鵠約一歲玄黃玳瑁膏不有相知能餉此正持蘿脯下村醪
文淵閣唐王詩金數易而小人持一卷猶索字內之

上督府公生日詩并序

嘉靖己未秋九月廿有六日恭逢督府明公之生辰於是文武吏士及鄉
大夫士若耆舊賓客以公自鎮撫以來功在東南者實大且遠乃相與各
抱其所有以爲公長久祝而公於今年春夏之交受諸道告捷之後奏凱
天闕戢兵海隅民物熙和旬宇清廓惟茲嘉誕滿席其時萸菊交芳天日
俱朗旌旗應爽氣而彌肅鐃吹協商飈而並遠應者雲集萬眾一辭比之
往昔蓋爲隆盛某小子叨沐寵榮間嘗一佩筆操鉛以奉侍幕下雖愚賤
少文不敢自附於衆人之後至於仰清光祝久遠其心固無異於衆人也

謹撰長篇一首凡百句奉伏門下以充獻壽之禮自知拙陋無所發抒然慕戀恩私忻喜盛事自不能已於言耳

遠曙輕籠海色蒼涼颺新薦菊英黃清秋此日逢華誕繡褓當年遶異香地與人文增氣象天爲王國祚祐祥壯猷未老如方叔秘畧曾傳似子房初捧兵符分虎竹再膺使命馭龍驥森羅島嶼諸夷會鎖鑰門庭一面當刁斗不傳人自樂牙旗欲動勢偏揚雄豪定遠遙辭漢寬大汾陽近在唐骨領華夷新士馬掃平矣越舊封疆曾先突騎重圍裡親式鳴蛙大道旁已遣嚴兵營細柳更教長劒倚扶桑三承寵錫恩何渥一受深知德愈光定有姓名題御宸每勤賞賜到遐荒千齡素質雙熐鹿五色奇毛兩鳳皇國有昌符臣協吉家承嚴訓子徵良田單下狄親鳴鼓姬旦居東久缺斯屏觸欵炎辭羽蓋轉巡郊野憩甘棠軍中作氣頻投石陣裡籌機捷振囊敝日轍門標大纛浮天水寨集餘皇彫弓並月名繁弱寶劒衝星出豫章幾處名香迎馬首數羣長鬚夾車箱量兼滄海涵諸島身作長城障一方萬里星辰羅北極百番貢道出東洋曹彬賜劒權偏重庾亮登樓興合狂引至偏裨堅誓約邀還賓佐據胡牀鯨鯢久已封京觀翡翠行看出越裳

詎止芳名流簡冊還將偉績著旂常功成淮蔡應趨明路涉燕齊好待糧
將相位兼勞出入君臣道合致平康山城令節朱萸發高宴華軒錦綺張
日照花明諸樂作風吹帳啓衆賓藏鶴鳴流響聞天漢芝燭浮光到羽觴
競取良辰占上壽復欣嘉會嗣重陽樹聯月桂輝花萼斗近天河挹酒漿
黑齒呈歌須譯問文身獻舞倣尊場地連玄嶠僊常集候傍黃鍾日漸長
共以精誠抒華祝况兼佳麗屬錢塘鱖生本住山陰里浪跡疑乘海畔航
城下釣魚懷漂母堂前結客憶周郎未逢黄石書誰授不墜青雲志自強
抱玉已憐非楚璞吹竽那識動齊王幸因文字蒙徵檄時佩管毫侍墳廊
綦履東西魚共躍戎衣左右雁俱翔縣知陳阮時遊魏豈之鄒枚並寓梁
博採燕昭期致駿曲有宣父愛非羊衆人國士階元別知已蒙恩心所量
自分才難堪記室人疑待已過中行構成燕雀猶知賀報取瓊瑤未可償
偶值高門掛弧矢且廢小雅賦桑楊却慚未協宮商調莫並當筵巧奏簧
督府明公新膺加膺加太子太保左都御史一千總銀一千戶

連天滄海抱江洲節鐵東臨今幾秋早遣迎儒招聘尉遠傳片檄到蠻陬
寇當劇處連營破敵若逋時舉旅收萬里華夷馮控制一方文武備咨謀

獻俘不用陳兵見對客頻聽借箸籌名將始知今亦有元勳豈獨古難望
近衛丹詔恩何渥遙領青宮秩更優幕捲共瞻新換棨旗開尚見舊縣旌
春灘拍海風俱息夜柝鳴邊月正流建業既趨功可讓太原未下賞還招
閣臺本取銀章綰鶴禁誰扶寶輦遊將帥併兼儲副託封章應掌百寮糾
召公遺烈由孫顯曹塗英風與父儔世祿永延盟帶礪屬車前導護宸旒
東山久已淹姬旦南服從來用武侯燕領果封終入漢壘自將錫定于周
軍書羽集裁偏暇湖水涵望盡浮翠○沂堤花連樹錦筆停曲鳥窺樓
幾年載筆承英盼四海爲家只浪投授簡眞帆稱記室逢人交慶識荊州
追陪有分塵清宴著述無能付短詎卽擬漢家麟閣上看題姓字最高頭

蛙聲

紅芳綠漲綠連天夾岸蘚蕪匝澗灣別有鼓吹喧渡口不教蚯蚓疊陽關
殷郎咄咄書空易漢吏期期奉詔難華苑公私猜典午華門售屈課殷盤
連營甲卒枚前開塞寺沙門呢後食蟾蜍借月瘡何謂科蚪繁波字與翻
蒲漪漪蒸號太酷梅風飄湧控宜寒使車南詣離題譯貝葉西來鳩舌彈
金响俠徒尤儘落珮垂戰士怒癟殷諧語就笞方乞半孤離隔乳未啼殘

韓馮枕荷愁喧寐戴勝降桑許聒眠利口齋來儂喋薄言鉅罷鼓闌聞
喟競笳鳥不得曉雜沸蓮露幾時圓迢迢來度天姬帳閣迴驚釣者船
本草蛇所居有爛瓜氣莊子歧於此
搖繁藻鏡驅成澈韵碎菱絲詎可穿寄語艸深瓜爛處急呼卽且備弦拂

數年來南雪甚于北癸未復爾人戲謂南北之氣互相換似質人
帶之往來理或然歟邊塞不易雨而今每潦十九韻

陰陽北去隨南客雨雪南來自北天雨燭胡弓知幾歲雪高越兀已三年
偶然盡海迷遼鶴不是登橋聽杜鵑吹犬從今無一處喘牛必問有諸賢
明日向彤采暗杳杳璣龍紫霧縣義氏輪膏埋璧脣膝公河水濁銀錢
鉛鋒插戟包難見深穿穿泉粉愈墳萬里蕭條昏井邑千家凌奪失園田
疑花宿誤羣唏列折竹貞催幾個圓鼻醋礪寒先慣吸羨鹽調劑未堪煎
頹危石兔當山頂搏控成獅向日邊借皎肥身灰象飽吹柔害物素描拳
綿鍼絮刺但叢棘玉瓣銀筒假淤蓮陽德盡闕閭闔上陰威直到祝融顚
華亭羽翼漫天久上愁鷺盧獵野偏伍員江長潮正怒三閭沙白骨新捐
稀如尸蠱穿雲去細似絕蠅點點旋急舞魚鱗崩扈跋繁遡蝗陣暗香琴

袁安臥苦僵猶得醉縉尸埋醉可憐萬事豈俱埋得盡有時終露髑髏冤

次夕降搏雪徑清鴟鴞卯余睡而復起燒竹照之八十韵

把炬循除立斷藜陽驚彈雪宿印底終宵有許垂鶴伏片刻應能沒馬蹄
一一旁分舒闊掌撲圓捲擲碎霜梨紅場盡海槎爭打白鷺橫江荻未栖
崩屋塌簷支正急驚窗入賓倚相賸後飛輕薄高難下先引威棱導且齊
閣歲奪藏猶散雹羣兒想象入後院解紙出六榷旆李瑞舛過三黨押梯
博浪金椎徂擊遍滿大白蘋殺機提鬢髡鵠指吹毛盡作吳梅啼到骨披
穿重解深三宿冤侵多不剩一丸泥暗踏鵬翼長沙拍亮誤誰可短瞻啼
灰儘挑殘寒夜火袍誰脫與故人錦流蘇旣縞堪釣掛粉的渾綿向鏡低
風絮謝娘難可擬烟蘆舷客幾成迷公孫被襪涼如鏡子母峩縉瀉若澌
獸徑易漫塵散跡猶弓難放麝香臙巖俱周處南山嶺毳盡蘇卿北海瓶
皎室百窗簾蛤蚌羌胡一國水玻瓈饑胛苦逼長安猝酸鼻寒妻宰相醯
葉尹如捐棺可玉麻姑未老海堪梯洪厯走汞流溶朴穆滿量珠賞竹西
綠鬟取載髻髻樣金釵都換奈花鏡儒臺瓦甕臨艱綠然歌唇門蒜太鬱
蠅蠅假仙搖石乳蚺蛇馮膽攬銀堤將納作蓋併成羽取綻爲裘盡是覲

膺隼攫身功奪狗牛羊里角罪端懸軒帳鏡色飛橋頂歐冶鍾霜掣劔谿
蕪綠乾坤成玉合絲絰駢膜刮金篦楊妃暗粉玄宮發卓氏綦巾皓首齊
北縣胡雲黃滿寒宮年架簡亦曾題舞微未必清傾磬酒急如堪付鼓鼙
紅袖共斟將共若錦囊須佩却須奚寒郊瘦島吟成蟬暖肉肥肌屏作門
漸離荆卿僵易水趙王代姊冷摩笄瑤枝上漢幕雲霧銀鬟行天賜駄駕
併是凌寒貞歲柏不同趨熱媚權娃觀瀋上國裘曾敝眼見金吾騎總縱
盡領熊羆供掃拂卯從雉免較吾弟高培蕡便鬪成蘭柔倣山毛嫩作夷
宵慘睢盱夔罔兩顛嬌明項女螭蟠粧塗恨少施肌髮刻畫爭先解佩觴
何事井噴燎嘶鈞紙馮陰焰颺虹霓犀璀璨排嫣齒榴子粗唇墮老觀
解槐紫駒鮮豹犢俄穿翠襯化貂桂宮奮鏡暖因椒瑾塞璧刀斜謝鵠鵠
木稼怕官諭雜譏紳乾愁牧馬頻嘶嫋皇煉石胥猶漏帝女燒鉛杼懶擗
凍靄尖持燕七首明窗塵射魏刀圭睥睨釘斷于闐帶沙礫碧列令尹珪
連日大酺聚儘掬碩筐堆白取如擣騎都爛漫靡羊胃庖坦縱橫解犢胞
草領不醒類錦帳蛾眉邀醉登金柙卽堪楚曲流宮徵必喚齊伶許滑稽
居士搖犀明練組层鵠大鏃拭弧鉗孤烟罷突真三日破釜懸牋薩一鑿

水木騎羊來代逝
勝日弄雨各訶訶
心憂掘閱衣麻矣
狂走花蘭帶慳兮
雲韶黃牕漫巖窟
依然白骨墮鯨鯢爲燈跋燭須臾滅
沃錠消寥頃刻齊
公向蒼儀騰皓潔
竟忘赤地混緇黎
隨颺過越迎闌吹度葉爲花帶鳥棲
蜂峽誤猜堪蠟蠟
清明纔斷正餽餚
西池萬里吹黃管
東郭雙定跡赤鞶
想見穹酋鳴立圓
貌看牀足縮趺螭恰妨青帝迎春使
翊無救朱炎病
夏畦壓取剛條俱
僵僵試尋勁艸但萋萋幾時千仞消凌蟬
何處雙桑赫
海輓形虎似鹽虛晉鉏調梅無味枉商鐫
蠻蠻未必沉三尺甲折先應了
一判莊語夏水蟲足惟趙衰冬日禦爭侯風偏
助勢長成練月總輸光不
到耳履薄有人愁
墜谷乘危無盡上埋全骨無黃道
華英集以丹心許
羨藜火急寄言青女道添霜啼殺伯勞兒
見四木翁

龜山凱歌六首爲吳縣史鼎庵

短劍隨鎗算合圍
寒風吹血着人飛
朝來道上看歸騎
一片紅水冷鐵衣
紅油畫戟碧山切
金鏹無光入土消
冷雨淒風秋幾度
定誰捨得詎今朝
七尺龍蟠臯線縑
倭兒刀挂漢兒腰
向誰手內親捐得
百遍衝鋒滾海蛟

列傳詩集
無首有身祇自猜左啼魂魄右啼骸馬將老譯傳番語此地他生敢再來
旗裹金瘞碎朔風軍中吮卒有吳公更教廝養眠營壘自向霜槽餵鐵駉
夷女愁妖身畫丹夫行親授不縫衫僂衫無縫今朝死向中華地猶上阿蘇望海帆

其地阿蘇山最高

內子亡十年其家以甥在稍還母所服潞州紅衫頸汗尚泚余爲

泣數行下時夜天大雨雪

黃金小紐茜衫溫袖指猶存舉案痕開匣不知雙淚下滿庭積雪一燈昏

凱歌贈參將戚公

戰罷觀看海日晡大酋流血濕龍衣軍中殺氣橫千丈并作秋風一道埽

望夫石

海天萬里渺無窮秋艸春花補髻紅自送夫君出門去一生長立月明中

宴遊燭柯山四首

萬山松柏遶旌旗少保南征暫駐師接得羽書知城破燭柯山下正圍碁
偏裨結束佩刀弓追上逢迎抹首紅夜雪不勞元帥入先禽賊將山洞中
攀兜萬隊一時平
若海無波賴瘴清帳下共推擒虎將江南只數義烏兵

帷中談笑靜風塵

只用先鋒一兩人萬里封侯金印大千場博戲綵

新

武夷山一

線天

雙峽凌虛

一線通高巔樹果拂雲紅青天萬里知何限也伴藤蘿鎖峽中

入武夷尋

一線天道中述事二首

行渴得虧烟乞茗

花落花開隔水津棧梯茆屋總堪鄰扁舟若不尋歸路便是武陵深處人

乞得瓊漿

一碗新浴溪行盡渴生塵雲英只在桃花下不肯呼來見外人

雪中訪嘉則於寶奎寺之樓店

山徑尋君重復重

小樓百尺臥元龍安窗偏向梅花角去映江天雪數峯

武林館中

與徐仁卿同宿因贈三首

徐號天峯武義諸生也

樓上張燈倒瓦卮

自居東面喚人陪須臾據案言兵革驟帽偏欹橫兩眉

近來選士愛軀長共說君家貌不揚醉後忽呼高枕睡虎頭斜倚黑繩牀

徐頭骨似虎

長說邊關好試材幕中進止自須裁連宵一騎重圍裡不見

鈞州王秀才

時王邦直爲虧所害

夏相國白鷗園二首

白鷗池水拍天平相對瓊樓入太清試問歌臺生艸處當時曾許外人行
詞客登臨信筆裁每於花謝笑花開請觀世上看花者曾見花開不謝來

閨門送別

送別閨門日已西自將光景比烏栖平生不解依枝宿今日翻成遠樹啼

寄徐石尊

聞道名園盛牡丹豪家歡賞到春殘自憐亦具看花眼種菜澆畦不得看
上谷歌四首

少年曾負請纓雄轉眼青袍萬事空今日獨餘霜髮在一肩輿坐度居庸
遙憶前朝己巳年六龍此去未南旋黑雲敢作軍中孽莫恠區區一也先
蘭伯健兒習戰車重重壁壘鐵圓賒儘教上谷長千里只用中丞兩臂遮
昨自居庸効戰過今朝流水是洋河無數黃旗呵道客有時寄艸姑鳴駝

宣府教場歌

宣府教場天下閻箇簡窄鑿尖入雲不用弓刀排虎士天生効戰擁將軍

胡市

千金赤兔匿宛城一隻黃羊奉老營自古學基嫌盡殺士人和局免輸羸

邊詞十三首

並客
越時

到馬水日及宣府之作

四壁龍門銳削圓柱教鄧艾裹瓊衣莫言虜馬愁難度即使胡虜軟不飛
牙兵箇箇是熊羆別選奇才羣作兒試着陣雲身急處一團蜂子擁人飛
堵頭赤棗杵兒班打棗竿長二十拳塞北紅鬚李打棗江南白苧怯穿蓮
立馬單盤俯大荒提鞭二問戎羌健兒只曉嶺舌吉大雪山中指帳房
十八盤山北去賒順川流水洛南涯真爲一堵邊牆土畫斷乾坤作兩家
黃苗墮馬已成禽漢卒爭功被脫身魂魄至今留黑石此後蓮城落魚鱗
石堡所當地也得其肩上之廟

寫那頸險斷胡刀
左手攀額按得牢
右足向鏡中嫌未正特捲過左一絃毫

郭宣府

之略胡

沙門有姊陷胡娃馬市新聞喜到家哭向南坡抱帳裡領將兒女拜袈裟
漢軍爭看綉襦襠十萬鬱弧一女郎喚起木蘭親與較看他用箭是誰長
十六首並俺答男女事

長纓辦取鎖嬌嬈馬上纖腰恐不牢好把鶻鶻韓上腦倩誰雙縛馬鞍轎
女郎那取復梟斃此是胡王女外甥帳底琵琶推第一更誰紅頰倚蘆笙

老胡龍向一人多分袖銀招箇叵羅遊浪東黃鶴子側將雲髻打天鵝
姑姑花帽細銀披兩靨肥梨酒糾柏個酒麥花不離手時時站馬上胭脂

上谷邊詞四首

胡兒住牧龍門灣胡婦烹羊勸客食一醉胡家何不可只愁日落過河難
風吹乾坤沒沙泥鬻艸奔風馬自蹄却問駱駝何處去大苜隨猶未曾歸以
上坐史夷帳中作史車二姓屬夷

胡兒處處路傍逢別有姿顏似慕容乞得杏仁諸妹食射穿楊葉羽風

駱駝見柳等閒枯虜見南醪命拚倒與賜夷留滴回韁猶作卯兒姑此
諺云駱駝見柳達子見酒又夷言磕頭爲卯兒姑

琉璃河

水惟從來畏鐵腥十尋鐵椎壓流橫風雷古無迴避也截蛟龍別處行

送林某

野客年來百事休也憐歌板去難留若爲化作沿江柳直骨鶯聲到岸頭

漫曲

聞道張家燕子樓青羅小帽急梳頭花枝誰肯先春老無奈風吹雨打愁
盡兩箇枕席而睡疑是寒拾應人寒吟咏

人間何日不塵生掃到何年掃得清輸與天台雙行者睡彎苕帚午雞鳴
畫高嶺莫行僧衆

知是峨眉第幾盤客僧愁宿日低山頭陀指與烟生處只隔紅霞四五灣

王元章倒杖梅畫

皓態孤芳壓俗姿不堪復寫拂雲枝從來萬事嫌高格莫恠梅花着地垂

誰寫孤山伴鶴枝早春窗下索題詩今朝風景偏相似是我尋他雪下時

竹

昨夜窗前風月時數竿疎影響書帷今朝揚向溪藤上猶覺秋聲筆底飛
水仙雜竹

二月二日涉筆新水仙竹葉兩精神正如月下騎鸞女何處堪容食肉人
郭恕先爲富人子作風鳶圖償平生酒肉之餉富人子以其謾已
謝絕之意其圖必立遭毀裂爲蝴蝶化去久矣予慕而擬作之噫

白居易

童子知美鳥獲之鼎不可紅也雖然來丹計粒而食乃其報黑卵必請宵練快自握手亦取其意之所趨而已矣每一圖必隨

景悲歌一首並張打油叫街語也亦取其意而已矣

錄六首

柳條搓線絮搓綿搓夠千尋放紙鳶消得春風多少力帶將兒童上青天
我亦曾經放鵝嬉今來不道老如斯那能更駐遊春馬閒看兒童斷線時
縛竹糊腔作鳥飛崩風墜雨爛成泥明朝又是清明節關買暢糖柳市西
江北江南紙鵝齊線長線短迥高低春風自古無憑據一任騎牛弄笛兒
村莊兒女競鳶嬉憑仗風高我怕誰自古有風休盡使竹腔麻縷不堪吹
春來偏與老人憊腰背如弓項領乘着鵠觀燈都好景正難高處去擡頭

扇圖

渺渺平沙四望通天涯雙樹立秋風盡工不解寒雅意寫入隋堤綠柳中
畫躍鯉送人

鱗鬣不殊點額昂神却覺有風威不添一片龍門石方便凡魚作隊飛

湯遂昌顯祖

顯祖字義仍臨川人生而有文在手成童有幾度之日年二十一舉於鄉

嘗下第與宣城沈君典薄遊蕪陰客於郡丞龍宗武江陵有叔亦以舉客宗武交相得也萬曆丁丑江陵方車國從容問其叔公車中頗知有雄駿君子晁賈其人者乎曰無逾於湯沈兩生者矣江陵將以鼎甲畀其子羅海內名士以張之命諸郎因其叔延致兩生義仍獨謝弗往而君典遂與江陵子懋修偕及第又六年癸未與吳門蒲州二相子同舉進士二相使其子召致門下亦謝弗往也除南太常博士朝右慕其才將徵爲吏部郎上書辭免稍遷南祠郎抗疏論劾政府信私人塞言路謫廣東徐聞典史量移知遂昌縣用古循吏治邑縱囚放牒不廢嘯歌戊戌上計投劾歸不復出辛丑外計議黜李本寧力爭遂昌不應考法且已高尚久矣主者曰正欲成此君之高耳里居二十年年六十餘始喪其父母旣葬病卒自爲祭文遺令用麻衣冠草屨以斂年六十有八義仍志意激昂風骨遒緊抗腕希風視天下事數着可了其所投分李于田道甫梅克生之流皆都通顯有建豎而義仍一發不中窮老蹭蹬所居玉茗堂文史狼藉賓朋雜坐雞鳴豕圈接跡庭戶蕭閒詠歌俯仰自得道甫聞府淮上念其窮遭書相迓義仍謝曰身與公等比肩事主老而爲客所不能也爲郎時擊排執

政禍且不測詔書友人曰乘興偶發一疏不知當事何以處我晚年師吁江而反紫柏翛然有度世之志胸中魁壘陶寫未盡則發而爲詞曲四夢畧可見矣嘗謂我朝文字以宋學士爲宗李夢陽至瑤琊氣力強弱巨細不同等膺文爾萬曆間瑤琊二美同仕南都爲敬美太常官屬敬美唱爲公寒詩不應又簡括獻吉于鱗元美文賦標其中用事出處及增減漢史唐詩字面流傳白下使元美知之元美曰湯生標塗吾文異時亦當有標塗湯生者自王李之興百有餘歲義仍當霑雲充塞之時穿穴其間力爲解駁歸太僕之後一人而已義仍少熟文選中攻聲律四十以後詩變而之香山眉山文變而之南豐臨川嘗自叙其詩三變而力窮又嘗以其文寓余以謂不斬其知吾之所已就而斬其知吾之所未就也於詩曰變而力窮於文曰知所未就義仍之通懷嗜學不自以爲能事如此而世但賞其詞曲而已不能知其所已就而又安能知其所未就可不爲三歎哉義仍有才子曰士達五歲能背誦二京三都年二十三客死白下次大著才而佻然有父風次開遠以鄉舉官監軍兵使計流賊死行間開遠好講學取義

仍續成紫簫殘本及詞曲未行者悉焚棄之大耆實云幼子季雲亦有雋才

南旺分泉

依陰發泉壑開陽盛雲雷揮珠卽橫厲弭弛暫徘徊神嫗膏雲落天孫瀟雨開唯王資轉輸盡地此縈迴涓涓連衛潞灑灑汎河淮高岸刺雲日橫籌傲山崖鮮水敵陽至神木斬陰來浮吹徹終夜飛艦常千枚珠粒山東泉蘆肉江南財當知禹貯厥宜歌帝念哉

答丁右武稍遷南僕丞懷仙作

斯人負高概情蒼蒼紛饒觸邪注寇影雅志在公朝衣服近吾身有如裘與蕉升蕪有涼燠寒裘終不凋斯人乃可去將無念霜朝西廻太行軸南縱廣陵橈有客從鄉鄰從君獨酌謠巾帶若山人玉鉤橫在腰他人富貴媚斯人貧賤驕山中讀道書玉女時相嬌但令有真骨數至自瓢餵靈阿微昭輝逸駕動鳴椒雲冥深秀資霞延仙隱標庶反山中駕聊用倚逍遙

過太常博士宅

太常東署中五年足接集南風多爽豔春梅未漱濕兒子此生成琴書此

敦習逼迫徙簷事後者來何急出門別井竈致詞如欲泣臨去幾回首向後恒過入昔作主人居今向賓階揖已悲題字滅稍呀新堂葺觸跡有思存循年真悵愴舊隸猶瞻叩比隣都問及坐深難可留簷庭去猶立百年渾似此前人互通執弱心誠自嗤懷來非可戢

赴帥生夢作

有序

丁亥十二月予以太常上計過家先一日帥惟審夢予來相喜慰曰帥生微瘦乎則止予以冠帶就飲帥生別取巾着予甚適予首歎曰人言我兩人同心止各一頭然也嗟乎夢生於情情生于適郡中人適予者帥生無如矣乃卽留酌果取巾相易不差分寸傍客駭歎記之

青雲覆嘉林明月映珠津理絕有連氣況乃在人倫歷落帥生姿禮食先一旬采擷極玄史詞賦落編璿我生弱冠餘良遊非撫塵子爲膳部郎予入南成均今上歲丙子再見集庚辰前後各傾展言笑日溫新家能造清酒兒能娛父賓昔是新相知今爲舊比隣上計邊越來醉我鳳城春笑謔不下樓安知誰縉紳契闊四五年流思月相巡予滿太常秩子罷恩江綸夕夢我歸入門魂魄親交手無別言但問瘦何因冠帶卽延酌易我以山

巾尺寸了不殊形影若可徇世人言我汝同心徒耿耳今看巾幘交蓋知頭腦匀說夢未終竟報我及城闕歲寒冰雪中松心竹有筠三歎此何時滅沒旁人嗔眼觀一堂內夢見千里人見交等形隔臥托乃疑神鬼事尚前語迷途猶見遵况我見爲人分明明江海濱立語卒不盡且坐留飲醇易巾果所宜夢與形骸真盍尋此爲契彈冠足陳

京察後小述

邑子久崖柴長者亦搖籟含沙吹幾度鬼譚落一箇大有拊心歎不淺知音和參差反舌流候忽箕星過幸免青蠅吊厭聽遷驚質嗟子亦如人壯心委豪情文章好驚俗曲度自教乍會看繡袂舞竹青花枝臥對人時久伸說事偶涕唾眠睡忽起笑寥寥常背坐敢有輕薄情抵緣迂僻過一命終所署六歲逢都謀浮藻今已免不謹前當坐有口視三緘無心嗔八座骨相會偏奇生辰或孤破吾心少曲折古人多頓挫脫落慕仙才點綴希王佐咄咄竟何成冉冉誰能那

三十七

我辰建辛酉肅皇歲庚戌初生手有文清羸故多疾自脫尊慈腹展轉太

母膝剪角書上口過目了可帙家君有明教太父能陰陽童子諸生中俊
氣萬人一弱冠精華開上路風雲出留名佳麗城希心遊俠窟歷落在世
事慷慨趙王術神州雖大局數着亦可畢了此足高謝別有烟霞質何悟
星歲運去此春華疾陪盡非要津奉常稍中秋幾時六百石吾生三十七
壯心若流水幽意似秋日興至期上書媒夢中閑筆常恐古人先乃與全
人匹

懷帥惟睿郎中戴公司成

著冠須訪戴脫冠須訪帥磊磊一心人離離十
星歲戴公入山水淡迹分明昧喜沾清悟姿不
惜沉冥醉帥生能造酒酒色清如葉高談常夜分
歌忽雷瀆兩君眞晉人土性有癡慧相見卽相知了
非心所解如雲障江光顛倒影在内心歡常若茲日月亦清快重來斷清嘯不復可人在影撤
事詩酒接拏坐巾帶帥生烟霧中戴公江海外但想卽成笑寄書亦何賴

顧瞻部宴歸二十韻

附大水飢

平深情易盈春闌氣方憇齋房常自清登臨每傷獨同人風義生命我春
酒熟新雨道無人越歌山有木甚設苦難常爲期省相連適往纔張且且坐

遺巾服行幕過格五點局殘花六豆間依古禮坐次隨年錄素盞溢芳溫
者蔬雜蘭菊無事極脂膏風斯映明淑心清笑即雅與洽談逢穆留連清
夜沉偶歎春年蕭河北人猶流江南子初鬻行人深掠食縣官粗賦粥杏
花差有畔苦艸正無幅黃星春不光青歲易猶空微祿幸三飽清齋休五
內秀麥候皇明妨染悵神牧一人同向隅諸兄須仰屋凡百關天運有萬
依王福江湖初繞雷神州方蘊情舉白但歡展辟願取曠誠滅燭步除陰
明月隱深竹風庭猶數杯淋浪居未逐金析夜沉沉玉街清殊此還齊深
思餘倚檻端居伏夙露藹延和華桐暗相敵岸幘且輕首啜苦殊清目則
看星尾遲遠聽鳴雞速向署首明祠靈妃方捧祝

離合詩寄京邑諸貴

及會今承

琅玕豈不珍玉屑竟誰飯榆樹鬱冬臯木葉辭秋苑矜曲自悠悠衣帶日
趨緩乘月望風霄人遙尺書斷

雨花臺所見

冉冉春雲陰郁晴光瑩取次踏青行發越懷春興并知天女後如逢雨
花剗宜笑入香臺含嬌出幽徑徙倚極烟霄徘徊整花勝態隨驚蝶起思

逐流勞凝美目乍延盼弱腰安可凭朝日望猶鮮春風語難定拾翠豈無期芳華殊有贈持向慧香前爲許心期證如何違玉纓沈情擊金磬

黃岡西望寄王子聲

白露滴江城江聲遶秋至心賞不在茲幽芳渺難寄木葉號蟬悲水荇潛鱗戲日氣淡芙蓉雲陰生薜荔栖梧王子情默默楚人思未及湘累醒且共蓬池醉遙松起暝色虛竹驚寒吹物徃年序遷情存風景異樵歇喘影遲新月忽在地

讀張敬傳

長安多偷兒數輩老爲酋居家皆溫厚出從僮僕遊遂有長者名閭里咸見侮小偷時轉輸酋長日優游安知盡眉人一朝來見收

相如

相如美詞賦氣俠殊續紛汎山鳳皇下琴心誰獨聞陽昌與成都貴賤豈足分子虛乃同時飄然氣凌雲臥托文園終不受世訾藐清暉纏難竟遺書封禪文知音偶一時千載爲欣欣上有漢武皇下有卓文君

部中鵠

曲臺雙白鵲口賦十餐錢良爲升合資留滯江海年傳呼卿出入引吭飛舞前軒墀看鶴人時與小翩翩鳳皇猶可飼安得羽中仙

錦衣鳥

太常東署門連垣接親衛中有怪大鳥好作犬號吠悲嘯無時徙吉凶須意對非有伯勞沈良無子規廢閑天殺人處陰風覺沈昧

胡克遜

人言西北邊有獸名爲遜性不喜獸鬪遂巡解其田獵者知如此設鬪日馴近相愁來解紛陰遭此人亦食肉寢其皮似貉花文嫩西州貴將吏茵席厚常守萬獸笑何憫猩猩啼莫恨此獸仁有禮錯莫身爲殉世有麒麟皮爲鞶復何問

宿洛日亭因出小浪望海

爲郎傍星紀江湖常久居倏忽過南海扁舟挂扶胥隱隱岸門青杳杳天池虛培塿澹淩歷氣脈流紓徐潮迴小洲渚龍鱗勒溝渠于中藏小舟其外懸日車雲影蒼梧來咸池相卷舒孟冬猶星河淡月沾人裾陰陽盪霍精色隱踟躕濯足章丘餘沐髮扶桑初清輝臨洧盤若木鮮芙蓉西顧

連嶺嵯東眺極扶餘小浪亦莞爾大波始愁予嶼舶自吞吐樓櫓成烟墟
飛金出熒火明珠落鱗魚吾生非賈胡萬里握靈符晦靄羅浮外傳聞仙
所處玉樹如冬青瑤枝若栱櫛陽鳥不日浴晝夜更扶輿丹穴亦不炎好
風常相噓白水月之津一飲饑渴除徐聞汝仙尉去此將焉如

達奚司空立南海王廟門外

司空遲羅人面手黑如漆華風一來觀登觀稍遊逸戲向扶胥口樹兩波
羅蜜欲表身後奇願此得成實樹畢顧歸舟冥然忽相失虎門亦不遠決
撇去何疾身家隔胡漢孤生長此畢猶復盼舟影左手翳西日眞句帶中
裂嘲噦氣噴流立死不肯僵目如望家室握手一何似光景時時山墟人
遍香火陰風吹嶂嶂上有南海王長此波臣秩幽情自相附遊魂知幾駟
至今波羅樹依依兩蒙密波聲林影外簷廊暝蕭瑟

麗水風雨下船轅口有懷

石城雙水門落日遠江介春潮風雨飛暮寒洲渚帶流雲蒼翠裡緒風簫
鼓外分披悟曾歷合背迷新届宿霧綿餘丘生洲隱遙汎地脉有虧成物
色故明昧西征神易傷幽清境難會江花逝流放岸艸悽行邇不見林中

人自撫孤琴對

答姜仲文

白日不可常孤雲亦何媚
萋芳淡遊子流泊世所棄
事去息交久書來喜君至
愛日生寒姿停雲起高翅
經營二三月颯遠笠遑
驚看就長揖道故如失志
相聞善爲樂相見乃憔悴
爲文亦自傷情多或爲累
感君珍重意承眶不能淚
在沼魚何樂先秋葉難翠
長歌聊復聲短袖時一戲
今日眼中人何年心上事

一 遙和諸郎夜過桃葉渡

有本事

諸公紛紛去何所隔岸熒熒高燭舉若非去挾秦家姝定是將偷卽市女
一從西蜀老王孫千騎東方總不論也之使君呼共載也無遊女解宵衣
無緣此歸翮連去飄飄暉暉知何處翠納香奩夜著人絳蠟清笙幾回曙
當時我亦俊人羣情如秋水氣如雲有酒誰家惜酣暢饒花是處怯離分
如今兩鬢籠紗帽輕烟澹粉何曾到眼看諸公淹夜遊心知此事從誰道
銜齊獨宿清漢斜燈影龍窗半落花折不風流長睡去却持殘夢到他家

送前宜春理徐茂吳

西湖徐君美如此。眇眇東來渡江水。微颺木葉江波生。皓露芙蓉秋色先。
秋色連山客早悲。倍憶離鴻。江月時舊郡。鈜陽醉烟柳動道宜春。春不宜。
豫章城西江水滿。片雨疎花石蘭館。獻賦誰知錦組文。題書直道珠盈枕。
一別蒼洲間。白雲金臺暑路忽逢君。祇合飛冤墳。北海那堪解悵出。南薰芳臯。
幕離青瑣及子風流度江左。孤亭水樹別留人。別道烟霞須着我。
我邊知我若。逢君卿處相卿自有人。無事南湖催送槳。扁舟小婦好隨身。
莫嫌小婦恒隨從。茗碗香蠶朝夕供。風雨離騷秋草行。荃蘭翠妙連舟重。
去去西湖簫鼓陳。杏絲艷粉逐年新。不惜風流頻取醉。君來看見六朝人。

夜聽鄧孺孝說山水

終日他鄉作遊子。到處不曾離屋底。鄧生爾時何許來。罷酒彈燈說山水。
君家最近三茅君。我家賣看鱸峰雲。山水眼。行人不住遙山遠。水復何云。

聽說迎春歌

帝里迎春春最近年少。尋春春有分。可憐無分看春人。忽聽春來開臂問。
始知簾戶即驚春。夾道粧樓相映新。樓前子弟多春日。樓上春人最着人。
送俞采并示姑熟子弟采故叔白應生賢家子也。悲之。

遊子常年風性高龍生地主垂于施絳帳後堂延弟子春裝別墅擁賢豪
何處山川不留飲何處風光能薦寢花落時粘纓綠箋杯翻只汙蒲桃錦
爾時間并多歡娛爾家弟兄猶讀書長星出天十年內經過舊地百不如
江上更番起戎隊河南學館今蕪廢地主才高落網羅門生產盡墮闌闊
君家少父識人稀白鹿騰空人事非頻年落第常詔醉羲夜浮橋獨送歸
此情此日堪憐處故入上官得陵署從今見憶直須來幾日相過那便去
春酒春燈花月深離愁今夕動春心親知報李非無玉真笑我誰未有陰

送臧晉叔謫歸湖上時唐仁卿以談道取同日出關贈詩晉長卿

村門如水亦如市直爲風烟能滿紙長卿曾誤宋東隣晉叔諒憐朋小史
自古飛簪說復遊一官難道減風流深燈夜雨宜殘局淺艸春風恣蹴毬
揚柳花飛還顧渚舊酒茗魚須判汝興劇喜成舞笑人狂來畫出挑心女
仍聞寶從日紛紛會自離披一送君却笑唐生同日貶一時臧穀竟何云

吹笙歌送梅禹金戲龍君楊郎丞沈君典太史姜孟頤明府
紫綉春衣可曾織絲竹西州可曾去秋水微波木末亭秋花半翦吳陵署
從官道鬱有三年似汝驕奢留幾處邀歡托宿故言寒罷酒更衣幾愁曙

新林小婦寄書來一種風流許君據朝落鉛華妾自知夜拂蘭幘君不御
梅生開書欲長跪托道留連在山水卽知遊子盡曾遊自說美人詎知美
先時拾翠凌陽池憶汝吹笙出桃李天涯此日龍使君世上何人沈太史
已覺叢殘姜今非空驚綽約梅生是津途變化裁十年光響消浮只千里
潮水長看三往還交態今誰一生死何況青眉并皓齒美酒銷憂只如此

署客曹浪喜

今冬寒多忽作煖羊脂臘酒青磁枕達曙留連歌笑言蓮花漏水今宵短
點燭侍兒熏繡衾新綿細帖令人懶始恠明星出不低何來曙鳥啼都滿
珠窗小竹真蕭瑟淺帳寒梅動疎散客省經知無印開祠曹報說添人管
北闕雲霞青鬢疎南朝烟月歸心欸鍾鼓空思長樂宮江山別築忘憂館
四十頭顱君不知爲看年來衣帶緩

榆林老將歌

寄萬丘澤

榆林將軍紫花額自言能拂雙枝戟登臺四虜誠風塵度債尋營知水脉
娶妻胡女能胡言盜馬與官多得錢有州雖殘虜多先榆林獨出兵氣全
項緣互市邊籌假市馬與軍非善馬卒過倒死卽須償就中更有難言者

餘聞老將學耕耘後來兒子不能軍但願英雄不生虜兜鍪無火更何云

邊市歌

中興漢水天飛龍天街月氣何雄雄已深吉囊占河曲偏多俺答嘯雲中
三十年中俱老死分頭在牧多兒子一從先帝許和戎盡說鋪兵縱行李
也知善馬不能來去去金綯可復回未愁有虜驚和市只是無人上敵臺
別有帳中稱寫契解誘邊人作奸細上郡之知虜騎鷹西州眼見孤軍綴
也先種色何紛紜五千餘里瞰胡羣不說遼邊小王子殺降前後李將軍

江東歌

三山江上翠崔嵬艸綠風烟春氣和天宇綻金陵麗人家映帶秦淮河
迴廊屈曲通晴雨馳道流離瑩月波南中富樂風壓少天下娛游子弟多
悠悠滿目經時歲忽忽盈懷咀嘯歌意氣周郎三國盡文情庾信六朝過
江南丈夫會早天春心不飲蕩如何

夏州亂

夏州判軍如五堡迫使藩王磔開府賀蘭山前高射天花島池南暗穿虜
前年通渭血成塚天上太白愁烽高不信秦人阮翁仲鑄金終得鎮臨洮

黎女歌

黎女蒙家笄有歲如期置酒屬親至自持針筆向肌理刺涅分明極微細
點綴蟲蛾摺花卉淡粟青紋遶餘地便坐紡織黎錦疋拆襍吳人綵絲綈
珠崖嫁娶須八月黎人春作踏歌戲女兒競戴小花笠簪兩銀籠加雉翠
半錦短衫花襯裙白足女奴絳包髻少年男子竹弓弦花慢纏頭束腰際
藤帽斜珠雙耳環纈錦垂裙赤文臂文臂郎君綉面女並上鞚鞬兩搖曳
分頭鳴手簇遨遊殷山沓地蠻聲氣歌中答意自心知但許昏家箭爲誓
椎牛擊鼓會金釵爲歡那復知年歲

重過石城埭

石城二十四花樓江南置酒飛花愁在處胭脂久零落不知冠蓋能風流
拾翠江邊猶記否含笑含嚬送君酒滿日秋光無盡時自折蓮塘花下藕

送安卿

明星祠前夜通火此外祠官閉壇坐白日風塵廣直遊只似安卿無不可
安卿此時三十餘未三十時金陵居去今十年始相見當時太學今何如
當時禮樂從寬政三山陌上繁華盛莫言槐市富簪裾且說蘭房襯衣鏡

五陵年少宿青臺
一歲烟花幾度開
驕驕逐處尋人去
鸚鵡排門喚客來
是日新妝殊可動
高樓大道連雲棟
別有妖姬不見人
動是安卿出迎送
迎如新月迷如雲
個人貪着茜紅裝
揚州大舸歌將去
天下風流妬殺君
爲問佳人近佳否
桃葉渡江此來久
詢知此地舊繁華
不似從前盛花柳
花柳迎春不貯春
舞榭妝樓貼向人
亦知遊子偏多病
求許追人卽道管
安卿詩人亦畫史
翩翩世上佳公子
釣魚巷曲水亭幽
滔滔水平衢入花裏
世路蕭疏君得遊
一行作吏只關愁
春色明年亦如此
昨日悲秋今憶秋
秋盡寒菊有花吳
山惠水是君家
不惜秋光與君酌
水氣城陰生暮霞
人生對酒莫咨嗟
月露光陰判不賒
有興調琴就明闕
宜拂袖流烏紗
君不見胡繡衣陳寶雞
此時但附要離塚
何曾一醉太常泥
一醉城頭鳥
夜情滿船燈火送
安卿不憂清客隨
潮去自有諸郎能夜行

送鄭見素遊江東

艷艷春墀發
花朵寂寂春寒試
燈火人日何人清
夜沈玉茗堂前風月可
向昔登高平遠間
滿目滄浪無土山
就中有人鄭君美學富
文清幽意閒信美
閒遊動千里如花攬
結金陵子但聞春艸爲
春生幾見情人爲情死

采葛成衣秋奈何看未成碧春又過冉香亭下神姑酒忽忽江臯離恨多
寄嘉興馬樂二丈兼懷陸五臺太宰

爲郎苦遲去官早歷落鄉關罷倫好忽忽神遊京洛春泣向五臺原上艸
馬翁只似扶風人樂生當作望諸君臥想少遊何可得拜築高堂曾一聞
世局風流長似此曾見英雄長不老江山歲月老閒身風雨魚龍動君子
沙井闌頭初卜居穿池散花引紅魚春風入門好楊柳夜月出水新芙蓉
往往催花臨節鼓自踏新詞教歌舞青春索向酒人拋白髮拚教侍兒數
烟雨樓前烟雨迷鶯返湖邊鶯逗啼但取風光足留賞越西還勝大江西

河林有酌

風亭移石竹爲客正開襟宿鳥過殘雨吟蟲傍積陰故心人不淺秋色夜
方深便合丘中去相招唱一琴

送客歸岳州

楓隱號蟬急林開放鶴輕柳烟眠際穩江月醉餘清夜色遙湘渚秋陰冷
岳城還憐洞庭水漁笛與歌聲

初入秣陵不見師生有懷大學時作

佳人遲暮思何其直是郎潛

世不知世路未嫌千日酒才情偏愛六朝詩

入門便坐從炊黍上榻橫眠聽解頤獨怪過江愁

欲失眼前秋蟹要人持

送王比部供奉採藥扶侍太夫人歸與比部故侍御殿中

白雲司發桂花叢綠袖承覩碧海東潘岳宴林逢令節沈郎行藥正秋風
先抽美艸占年樂盛取菖蒲益帝聰並道春祠惟坐嘯也能符遺及花駢

答君東天津夜泊

津館蒼茫別未陳滿簷秋色爲思君風生積海連山霧月落長河半樹雲
欲睡動尋千日酒憐香真惜十年薰如何咫尺關南道只似江空興雁闊

送劉子極歸蘭州

劉生西笑出蘭州餉道封軺卽畫遊雁勢連雲侵岳影蟬聲隔樹見河流
龍門泛雪誰邀管騎省吟秋我獨留生长羌中慣橫笛落梅珠柳詎關愁
虞淡然在告

總璫浮闕定星光河漢風清有報章秋水岸移新釣舫蘋花洲拂舊荷裳
心深不減三年字病淺難銷十步香剝有閒情堪弄月西湖竹色未應涼
寄右武滁陽

卷常東界
蹠離居
從逢君興有餘
夜館聽歌迴
騎曉春城中酒落花初
山當拄笏時
看馬客過濠梁獨羨魚
最是隔江楊柳色
鄉心那惜數行書
平昌得右武家絕決詞示長卿各哽泣不能讀起罷去便寄張師

相感懷成韻

哀響秋江迴
雁聲雨霜紅葉淚
山城年來漢網人
難俠老去商歌客易驚
貝錦動迎中使語衣冠誰送
御囚行長平坂獄衝星起
可是張華氣不平

臥邸寄帥恩南

臥病高齋倚萬巾
陌頭何地着清真
畫長門簿添過客
夜短窗紗減侍人
西郡酒泉那可乞
南城水井復無因
惟堪夢裏期心賞
竹箐花溪過酉辰

寄樂石帆儀曹

鶯逗湖南烟雨慳
吳江夜語孤舟閑
山深薄酒易醒醉
天遠輕兒難徃還
作縣真如懸皮國
遷官欲似飛來山子
公帝城能憶否
下馬常眠雙樹灣

卽事寄孫世行呂玉龍二首

平昌四見碧桐花
一睡三餐雨放衙
也有雲山開百里
都無城郭奏千家
長橋夜月歌撫酒
僻塢春風唱采茶
卽事便成彭澤里
何須歸去說桑麻

偶來東浙係銅章只似南都舊禮郎花月總隨琴在席洲青草與印蘋藉
村歌曉日茶初出社鼓春風麥始嘗大是山中好長日蕭蕭衙院隱焚香

達公舟中同本如明府喜月之作

世外人應見面難一燈高興石門殘生波入檻浮春淺細雨橫舟濕夜寒
彼岸似聞風鐸語此心如傍月輪安不知天上婆娑影偏照恒河渡宰官

過安福舊邸口號

宦學新移近禮闈行經舊邸思依依飛帘巷口人曾拂舞轡街心馬似歸
粉障自尋題處迹薰蘆重對護時衣歸家少婦迎門問粧閣簾閒燕可飛

造夢

休官雲臥散僊如花下坐殘過客餘幽意偶隨春夢蝶生涯真作武陵漁
水成擁髻荒烟合去覺舉帷暮雨疎風斷笑聲弦月上空歌靈漢與踟躇

送劉參藩寄問東莞單見日盧海疇諸子

曲江春老賦停雲病淺臨風一送君暫有公榮宜對酒那堪孫楚卽離羣
高餐露菊逢秋盡細語霜鍾入夜分更折梅花問耆舊羅浮清隱最相聞

前廣昌令胡君仲合白塔小飲

眼裏金臺不可登江天一醉幾年曾欹巾曲檻過鳴雨躡步斜陽到塔棲
咏逐蟾流開夕帳坐分蟲語暗秋燈談交亦自風塵好獨宿孤遊也未能

送費師之寄兆卿

未須裘馬去翩翩風物各家自儼然數幅輕羅留結苧一杯芳艸寄迢箋
青衫客散河橋柳暮雨春歸寒食天定向林間呼小阮荷湖新着釣渔船

送艾太僕六十韵

太僕以乙利爲郎論江陵起復凡起南邊辟

世閥高臨汝衣冠起岳州精靈華蓋曉氣脈洞庭秋江漢稱才子瀟湘托
好述儒林蒼玉滿郎署白雲悠是日江陵相長星寓縣愁禮嫌金革變權
謀墨縗留奮筆含香勇術冠執法羞燕臣疇伏闕楚客竟爲囚御挺驚魂
落丹墀濺血流動傳天詔獄分作鬼投幽遠竄蓬羣魅銷冤失爽鳩秦城
將急杵漢簾欲窮鉤汎濕條支盡身拚井鬼休扶顏依枸杞作語向龍牛
汎雪人難待迷陽運忽周機權還太乙氣色墮蚩尤詔旨須人望恩波許
自由玉闕歸鳥道青海發龍湫遂作雲雷起還令湘漢浮法星低照蜀明
月遠通涪復有東門恨難爲西塞憂猿鳴初黯淡鶴怨轉夷猶龍影廻江
郭巴雲護梧樓文章霜入霧富貴起隨酒天在山難畜王明井必收九河

原曲直百鍊肯剛柔光祿徵能就陪臺出似遊蕪梧蟠帝宸芳樹繞潮溝
典客高情映祠廟清燕酬如雲瞻鬱岱似雪祕蚌璇好以清琴弄時將白
簡抽似綠參世業不惜偶人儔下秩依園廟齊心闢見施時分羽籥一
聽鳴球署色朝霞起祠陰宿鳥啾才情空荏苒舊得優遊翰墨飛長
紙壺觴引薄脩忘年過灑落淡歲語綢繆受命同嘉橘孤株感若榴看松
高蓋偃援桂晚枝樛世事留黃閣公才尚黑頭乞歸丹疏入言佩尺書投
岩早宜尊坐朝鉉且七騎離心眷蘭菊別韻起梧楸定叢鴻驅道干旌白
旛洲月卿爭祖席雲從識櫂舟岸艸搖清籜江花點敝裘行藏燕市古出
入楚門修去欲蒐戎乘行將啄德輶鳳洮鳴鏘滿雲胡羽書潤汗渭秦非
子河源漢列侯羌胡形欲詭將相語猶偷馬轂經年減燕金殘虎求和戎
虛漢物贈策豈吾謀太白朝芒角崆峒宿踐蹤英雄懷五効形勢惜金甌
老亦趨千里今何問一丘駿圖周間得戎議傳咸優並事今吳趙長流舊
沈鄒羣公心亦苦高爵歲華道未必參帷幕看君展一籌

萬侍御赴判劍州過金陵有贈君以邊事論政府行

紫氣通華岳黃圖闢艸萊地遙金在接天廣玉門開雪嶺燕支逼湟池曳

落迴安攘餘上策駕御失雄猜世數鳴沙積風煙壘壁摧奸闢嫌說劙斷道怯行枚倍有金繒去臺無善馬來市和虛內帑質畱富中台醉吏囊誰問疲儒設滾推虜王迎後佛胡婦戲前媒席煖戈猶枕盟寒鑿欲灰飲河清渭赤食月白星災萬里城危誠三公綱敷恢昔籌沉漢幄折檻起雲臺字挾披肝苦章飛戰血哀叫關心展轉臥閣語徘徊鬼謁能燭日神奸不畏雷繡衣翻遠影封事委浮埃墉隼掀難下臺鳥落未回敵人乘隙舞壯士隔河哈朝露商君藥草江蜀漢材燕磯朝鵠語牛渚夜星陪色笑誰雙枕心知且一杯燭開燕黯淡車入劍摧頰角韻寒吟徹雞聲暗舞催春王回斗柄月將在河魁冰雪陰將解風雲氣似培春中初折柳江外與題梅去色連雲棧歸心灑灑堆參軍轄自好灑酒絕倫才

初發瑤湖次宿广溪別英十一舅隆八弟

病瘦那臨鏡清虛欲衣綿春糧三月外伏枕一秋偏吉日將行色殊方或勝緣昇過新雨薄氣逐晚雲鮮堂上行猶怯低窗寢似便命飄危葉起相濕死灰然君子能無瘞良醫幸有全月窗催藥杵雲戶隱青笠氣弱難扶餞裝輕舟漢船班欄垂地泣葱鬱舊塋情故故隨搖曳悠悠獨邇沿金堤

斜照落瑤水暮風旋客夢初移枕夢歌始扣舷外家依广下中國向窮邊
肝輶江連峽雷瓊海隔天滄浪誰莞爾岐路欲告然星謫郎官達心知宅
相賢賦詩耆舊引樽酒樂人傳鳩祝人難老鵬扶尉欲仙山川彌望積丘
壑幾時專

秋日西池望二仙橋

池上映秋光登臨愛夕陽鏡中蒲柳色衣上艾荀香聽雨初留屐當風一
據牀倚蘭廷客語高菊以鄰芳紫翠連山暝晴陰隔水涼坐看人世小仙
馭白雲鄉

相圃新成十韻示諸生

禮樂在平昌諸生立射堂山形君子似地脈聖人傍四獸風雲合三龜日
月良天門馳直道星舍翼迴廊半壁新泉煥成帷舊木菴嘗聞殷曰序如
見孔之牆遠意義蓬色清歌蘋藻香修容隨抗羣射策擬穿楊有鵠求臣
子爲侯應帝王同科非爾力得雋乃吾祥

奉寄李蒼門諫議并呈省院諸公二十韻

漢璧藍光遠秦闕紫氣深寶蓮開華岳仙樹出咸林夕拜連封事宸遊費

雅箴國家方有道天地得無心震位遲佳氣西師急好音數災山少木厥
貢土惟金漸覺風謠苦長看日氣祲蘭絲抽欲老仗馬噤難任地大誰爲
政天高汝作霖英奇才世出虛薄病年侵愧見同門友愁聞倚柱吟越中
隨奏計朝下輶輶尋繡轡凌朝踐清尊薄夜斟賞新喧散帙懷舊默沾襟
自合王喬履誰分子賤琴羈孤魂莽蒼朝集意蕭森路盡求牽復春多肯
幸臨子半留魏闕陶令去江濱報政將遺珮彈冠擬合簪桑榆如薄照蘭
菊待分陰

登獻花岩芙蓉閣

木末芙蓉出花岩艸樹齊陵高諸象北江白數峯西

遷祠部拜孝陵

寢署三年外祠郎初報聞臣心似江水長遶孝陵雲

恩平中火

海氣層雲盡山烟遶燒浮孤臣躋早晚一飯是恩州

南歸洛口亭拜長至

孤臣遙浴日滄海亦青雲願得扶桑影年年奉聖君

雁山迷路

借問采茶女烟霞路幾重屏山遮不斷前面剪刀峯

廣陵偶題二首

歲月隨人去風塵可自如偶然流淚處翻着舊時書
忽忽知何意悠悠向此方怯知新涕淚還是舊衣裳
有友人憐予乏勸爲黃山白岳之遊

欲識金銀氣多從黃白遊一生癡絕處無夢到徽州

信陵君飲酒近婦人

魏國乃爲累萬古悲公子世上無神儂英雄如是死

司馬德操謂龐德公妻子作荅元直欲來

世亂難爲士存身各有致鹿門一輩人未測語何事

黃金臺

昭王靈氣久疎蕪今日登臺吊望諸一自蒯生流涕後幾人曾讀報燕書

廣陵夜

金燈颯颯夜潮寒樓觀春陰海氣殘莫露鄉心與離思美人容易曲中彈

病酒答倫弟金

青樓明燭夜歡殘醉吐春衫倚畫闌賴是美
人能愛惜雙雙紅袖障輕寒

江宿

寂歷秋江漁火稀起看殘月映林微波光水鳥驚猶宿露冷流螢濕不飛

漢家七葉珥金貂不見松陰歎綠苗却歎江陵浪花蕊一時開放等閑消
卽事

七夕醉答君東

玉茗堂開春翠屏新詞傳唱牡丹亭傷心拍遍無人會自指檀痕教小伶

八月三日得月亭夜宴有感而作

多情多病莫多愁纖月風亭得乍遊我亦池塘當戶好斷雲城郭夜侵樓

題東光驛壁是劉侍御臺絕命處

哀劉泣玉太淋漓棋後何須更說棋聞道遼陽生寶日無人敢作送行詩
先是過客題詩哀劉侍御者徧滿驛壁義仍舊凡詩後人遂絕筆瞿元立爲余補之與今集本互異

朔寒歌二首

白道徐流過五重青春
綿甲隱蒙茸驛莫緩遊鄉日暮鶴長石小喜峯
獨上偏頭笑一回娘娘灘上繡旗開金珠不施從軍婦順義夫人眼裏來

胡姬抄騎過通渭

渭南兵火照城山十八盤西探馬還似倚燕支好顏色秋風欲向妙娥關
送賣水絮人過萬州

江西水絮白輕微殘臘天南正葛衣見說先朝曾雨雪桺榔寒落凍魚飛

鸚鵡賦

龍西千里向平原西笑時時綠羽翻不似禡生終見殺止因能作世人言

憶光孝寺前看蕉花作

拜湖臺前春色深碧雲江上幾沉吟霏紅膩綠蓮花女抽盡芭蕉一卷心

歎卓老

自是精靈愛出家鉢頭何必向京華知教笑舞臨刀杖爛醉諸天雨襍花

始興舟中

石墨畫眉春色開有人江上寄愁廻轉風灣底曾廻燭新婦灘前一咏梅

辛丑大計聞之啞然

孫劉要使不三公點淬微雲混太空比似陶家栽五柳便無槐棘也春風哭梅克生

眼裏衡湘一个無文情吞漢武吞胡錦衣躍馬吾何泣十載窮交在兩都望耆兒

清遠樓中一覺岷雨覺風燕乍晴天年來愛作園樂語不得中男在眼前達公來別云欲上都

艇子湖頭破衲衣秣陵秋影片雲飛庭前舊種芭蕉樹雪裡埋心待汝歸
歸舟重得達公船

無情當作有情緣幾夜交蘆話不眠送到江頭惆悵盡歸時重上去時船
忽見繆仲淳二首

屏風疊裏雁初迴艷灑湖天月開紫柏去時春色老可中還有到人來
數滴瓶泉花小紅絲絲禪供翠盤中秋光坐對蒲塘晚一種香清到色空

宗望酒中言別

久客逢秋心易傷新聲遠此盡離觴休將半路悔花傾夢斷相思玉茗堂

送張伯昇兄入粵伯昇子師前郡丞太白翁起潛公子也

斷帆秋水送將歸。滿目黃花細雨飛。淚盡報恩惟
一切要離家上血沾衣

上已燕至

一回憔悴望江南。不記蘭亭三月三。花自無言春自老。却教歸燕與呢喃。
先寒食一日同張子心哭王太湖表翰林

張衡愁處起離情。不見黃州王子聲。繁酒隻雞千載事。楚天明日是清明。

雨蕉

東風吹展半廊青。數葉芭蕉未擬聽。記得楚江殘雨夜。背燈人語醉初醒。
讀錦帆集懷卓老

世事玲瓏說不周。慧心人遠碧洲流。都將舌上青蓮子。摘與公安表六休。
送王孔憲越遊懷中郎

赤日行天晉去時。山陰殘雪夜何之。飄花漱石寒如許。曾見袁家五泄詩。
飲青來閣卽事二絕

城南烟色遠萋萋。草高冥城闕日未低。最是一春撩落處。
秋聲斜月蓋樓西
東南山色翠逶迤。日照西陵上酒遲。看罷秋聲微有恨。不敲方響出紅兒。

臨章樓聞越舸且別悵然二首

臨草樓畔唱歌頻亂颯花枝記飲巡定去揚州須說與相憐還是故鄉人
亂帆秋影半江樓燕語滄涼傍客舟便去揚州且明日故鄉今夜有人留

聞濱貴道阻問瑞芝中丞二首

金沙原與蜀通津路出黔陽千里塵何事不教東一綫蘭渝千古爲他人
鬼氣臨參不肯降時時兵甲問南邦天開貴竹當雄楚地擁西臺接麗江
偶作

兵風鶴盡華亭夜彩筆鸚鵡銅漢水春天道到來那可說無名人殺有名人
官閣

蘭歌減燭暗逢迎檣倚紅梅發艷輕牛醉春簾春雪裡竹厨溫火夜分情
少小

少小詞場得浪名句頭文字總忘情若非河岳驅非盡定是烟花撥撥成
排比新聲接舊韻重門初燕語春寒心知口算能留客明月西園是建安

送楊吉父伍念父鄉試二首

明遠樓前湖水連月中相對兩茫然姪娥旣有長生藥未必全將與少年

友聲相喚出河津

伐桂丁丁向月輪大有少年那薄倖姍娥須惜七成人

撥悶偶懷江陵相

以下八公

總教拋却宦情何忽自悲傷

忽笑歌半百年來遷客裡數家閑閣不曾過

漫書答唐觀察四首

嶺外梅殘鬓欲星孤琴搖拽越山青

只言姓字人間有那得題名到御屏

縣小河陽花遍開金盤露冷醉人來也

知不厭山公故解事長虧女秀才

蘭署江南花月新封書籤上海生塵心

知故相嗔還得直是當今丞相嗔

一疏春浮瘴海涯五年山縣寄蓮花

已拆姓字無人識檢點封章得內家

寄謝餉部遼左二首

偪漢窮關事欲多遼陽當已失紅羅寧前直鈔開原路

止隔三岔一渡河

中郎萬里寄軍儲海餉登萊似國初若追全遼堪郡縣

只消家令幾行書

書金史後

滄桑長共此山河却爲中原涕淚多看到幽蘭軒裏事依然

流恨似宣和

病中答繆仲淳

不成何病瘦騰騰月費巾廂藥幾楞會是一時無上手

古方新病不相能

列傳卷第十一
四三
與李太虛

少年豪氣幾時成斷酒離家向此行夜半梅花春雪小窗燈火讀書聲
深尊明燭意何窮漸喜南行背朔風吳粵去來將萬里人情多在絕交中

別謝耳伯

送別劉大甫

欲別悲歌難又嗚白頭無計與劉生恩離未盡心難死獨向田橫島上行
桺絲樓感事二首

殘日西樓映粉紅畫眉吹颶柳條風重來攀折人何處腸斷千絲一笛中
一年春事賞心同千里湘皋曲未終別恨乍隨帆影去桺條眉暈半絲風

子
關南上橋寺候蓄觀察善卿殞不至漫占催裝詩奉早輓昌諸君子

雍露將晞早食前如何艱說五更天因風寄與雞鳴枕則爲長眠廢短眠

送豐城陸郡博廉州

雷陽曾此佇征槎歲月郵前溪路斜尚有湖頭雙雁至數程猶未到天涯

花朝

百花風雨淚難銷偶逐晴光撲蝶遙一半春隨殘夜醉却言明日是花朝

送商孟和

曾見春箋小韻清曲中傳道最多情西江大有多情客不得江東一步行

四月八永安禪院期超無

清朝不見小彌天竹塲煥茶過午烟解是雨花新浴佛諸天誰供洗兒錢

問李生至清

麻姑山水蔚藍天醉墨橫飛倚少年却被倒城人笑煞太平橋畔野僧眠

覽李生至清

李生至清字超無江陰人少負軼才蹠蹠自放年十二負笈遊四方友其
名人魁士遇里中兒輒媿罵或向人作驢鳴曰聊以代應對耳里人嗤而
逐之年二十來依余結隱破山居三年別去雜鬢干堊峯余以姚少師姊
語規之未幾果蓄髮韁韁從戎復棄去薄遊江外謁義仍于玉茗堂髡髮舉
案然時時醉眠伎館義仍作詩諷之所謂倒城太平橋者皆臨川拘攔地
也江上富人與超無有連超無醉後唾罵富人若圈牢中養物多藏阿堵
爲大盜積耳富人被盜疑超無畜健兒爲之縣令遣尉搜超無篋衍書尺

狼藉所與往還皆一時勝流令指其冠歎曰此物載吾頭不父矣鋟鍊其獄坐超無爲盜謀曲殺之以自解超無在獄中飛書賦詩唾罵縣令富人蜚語間入令益恨且懼令獄吏撲殺之李生恃才橫死身填牢戶要爲臨川通人所共歎息錄臨川贈詩遂牽連及之無使其無聞也超無有問世集臨川爲序載玉茗堂集中

虞山別受之短歌

有序

萬曆戊申春余自臨川訪義仍先生還江上將攬登北遊別受之于虞山與何子季穆夜集履之之覽鳳軒受之卽席賦詩贈余云總爲廉纖世上兒漂零千里一軍持胸中塊壘三生誤脚底嶙峋五岳知使酒浪拋居士鬟伴狂直挿羽門旗游燕莫問中朝事紫栢龍湖是汝師余爲之擊節高歌感激流涕口占短歌奉酬兼以爲別人生如空中鳥跡越北燕南滅沒萬里今夜一尊知非長別他日寓書臨川以吾二人詩示之

南期不爲春風殢十里桃花千里淚無計飢寒欲賣天有時骯髒能翻地交知半窮亦半老呼鶻走馬恨不蚤是處離魂猶綠波十年姓氏萎青艸越人病吟楚人泣長歌歌罷謀長別才子心花筆下生旅人愁蘸燈頭結

悲風噫雲雲化鬼覲簾欲問詞人紙青眼高歌能送子眼中曉川與吾子

別唐君俞

別是人間催老物窮爲我輩絕交方相思最苦長安月不照離人夜半牀

題畫寄鄒公履

一帶雲山如夢裏片帆別處不分明傷心只說寒塘柳泣雨啼烟送我行

帥思南機

機字惟審臨川人隆慶戊辰進士爲南膳部郎謫彰德同知萬曆甲午進平西夏頒詔付史館稍遷南刑部郎移疾歸進南京賦出知恩南府諭劾免官惟審與湯義爲友長于義十餘歲惟審爲郎義入南成均晨夕過從故有著冠須訪戴脫冠須訪帥之詩惟審罷恩南卒其子從龍事義甚謹義長子彊于南都哭之詩曰泉臺帥伯堪依止爲道從龍一片心兩家交誼可知也惟審有臨川四偶詩爲湯孝廉顯祖謝秀才友可尚秀才與祥英公子拾之湯詩則以惟審爲首惟審多讀古文奇字好詞賦擬古二京文諸篇什僅存營魄要爲淹雅名士曾吳詩皆不傳友可名庭諱與其弟目可名庭讚皆舉進士宦皆不達義仍晚歲以詞賦傾海內而二謝著作

靡憇爲時所輕友可心不能平嘗語予曰湯生少遊賤兄弟閒賤兄弟讀文選湯生亦讀文選余笑應之曰詞人讀文選正如秀才讀四書看作手何如耳餘姚孫鑛論近代文壇家稱能爲六朝者曰湯某謝某世人耳食如此無怪乎友可之自負刺刺不休也

送客寓清涼寺一首世傳舊有胭脂井

六般清幽歌管餘今朝化作梵王居後庭花謝胭脂冷猶自涼風薄綺疏
秋雨三首

畏景常欣秋候至秋深蕭瑟又堪傷楚山落木初悲客巫峽啼猿正斷腸
土鼓迎寒蟲織苦金風嘯律雁飛忙那堪寂寥荒齊裏雨滴梧桐夜未央
秋仲淒淒雨脚垂那堪秋杪益如絲登樓氣色朱華盡閉戶雲深碧蘚滋
鳩雀凝陰猶自化蠟銷掛牖正堪悲遙憐江海羈人淚却慮邊陲胡馬馳
擬峴臺前新水盈憑高廓落盡秋聲地滅炎熱乘陽極人善憂思感氣清
四運偏宜傷宋玉五悲猶復類盧生纏綿處繭紛相似欲學中郎愧管

表庶子宗道

宗道字伯修公安人萬曆丙戌會元選庶吉士授編修歷官春坊中允至

右廢子年四十有二以光廩東宮舊學贈禮部侍郎有二弟曰稽勲宏道
儀部中道所謂公安三表者也伯修在詞壇當王李詞章盛行之日獨與
同館黃昭素厭薄俗學力排假借盜竊之失于唐好香山于宋好眉山名
其齋曰白蘇所以自別於時流也其才或不逮二仲而公安一派實自伯
修發之伯修論本朝詩云弇州才却大弟不奈頭領牽掣不容不入他行
市然自家本色時時露出畢竟非歷下一流人晚年全效坡公然亦終不
似也余近來拈出弇州晚年定論恰是如此伯修可謂其限矣

和東坡岐亭戒殺詩

三日不飲酒無異蝸亡汁一日不食肉有似魚離湯放箸嗟已空一飽竟
何得口瘦我所緩性命彼其懸渾沌笑蛆蠅闇弱敗雉鴨血色蝕刃礮腥
烟蒸帷幕不思味報至鐵網火洞赤一念懼積譽黑業立化白譬如遇赦
因鉗鋏換冠憤戒力殞虛空魔王盡哭泣世典不戒殺竺書縫其缺採毛
可薦神烹葵堪邀客斷殺從此始無今冤垢集

咏懷效李白

人各有一適汝性何獨偏愛閒亦愛官諱譏亦諱錢一心持兩端一身期

萬全顧此而失彼憂愁傷肺肝人生朝露促世福誰能兼裴相豈不達
白方壯年北窗高臥人垂老缺朝餐良無丘壑貴安有火食仙陵谷且難
平稻米寧不然一毛附馬體安問缺與完角者奪其齒飛者不能潛鵬飛
不笑鬱蘋行不愛茲爾莫信爾意兩粥擁衾眠

同惟長舅讀唐詩有感

數卷陳言逐字新眼前君是賞音人家家橫玉誰知贗處處摘龍總忘真
再捨肉黠居易句重捐金鑄浪仙身一從馬糞卮言出難洗詩家入骨塵
雪中共惟長舅氏飲酒

盆梅香裏倒清卮閒聽羣鳥噪凍枝飽後茶勲真易策雪中酒戒最難持
爐心香燼灰成字紙尾書慵筆任欹共話當年騎竹事如今雙鬢各成絲
袁稽勲宏道

宏道字中郎萬曆壬辰進士除吳縣知縣縣號難治能以廉靜致治理踰年
稱病投劾去遍游吳會山水作錦帆解脫集改京府學官國子博士遷禮
部儀制郎歸臥柳浪湖上凡六年以清望推擇改吏部綠文選考功遷稽
勲郎中移病休沐不數月卒于家年四十有三萬曆中年王李之學盛行

黃茅白葦彌望皆是文長義仍蘄然有異沉痼滋蔓未克芟雍中郎以通明之資學禪于李龍湖讀書論詩橫說堅說心眼明而贍力放於是乃昌言擊排大放厥辭以爲唐自有詩不必選體也初盛中晚皆有詩不必初盛也歐蘇陳黃各有詩不必唐也唐人之詩無論工不工第取讀之其色鮮妍如旦晚脫筆研者今人之詩雖工拾人飼餵縱離筆研已成陳言死句矣唐人千歲而新今人脫手而舊豈非流日性靈與出自剽擬者所從來與乎空同未免爲工部奴僕空同以下皆重儻也論吳中之詩謂先輩之詩人自爲家不害其爲可傳而試訶慶曆以後公襲王李一家之詩中郎之論出王李之雲霧一掃天下之文人才士始知疏渝心靈搜剔慧性以蕩滌摹擬塗澤之病其功偉矣機鋒側出矯枉過正於是狂瞽交扇鄙俚公行雅故減裂風華掃地竟陵代起以淒清幽獨矯之而海內之風氣復大變譬之有病于此邪氣結轄不得不用大承湯下之然輸寫太利元氣受傷則別症生焉北地濟南結轄之邪氣也公安渴下之劫藥也竟陵傳染之別症也餘分閨氣其與幾何慶曆以下詩達三變而歸于凌夷矯烟豈細故哉小修序中郎詩云錦帆解脱意在破人執縛間有率易遊戲

之語或快爽之極浮而不沉情景太真近而不遠要亦出自靈竅吐于慧
古聖鉛鉤足以蕩滌塵埃消除熱惱學者不察效顰學語其究爲俚俗爲
纖巧爲莽蕩烏焉三寫幣有必至非中郎之本旨也余錄中郎詩參以小
修之諭取其申寫性靈而不悖于風雅者學者無或操戈公安而復噓王
李之濡斯道其有瘳乎

古荆篇

年年三月飛桃花楚王宮裏鬪繁華雲連蜀道三千里柳拂江堤十萬家
丹樓繡幌巢飛燕青閣文窗起睡鴉鴉歸燕語等閑度不記江城春早草
東風香吐合歡花落日鳥啼相思樹王孫挾彈郢門西少年借客章臺路
少年矯矯名都見雕鞍朱勒黃金羈採桑陌上青絲籠紅粉樓中白紵辭
白紵綠水爲君起青春環珮如流水東城絲管按西城相府豪華壓朱邸
俠客飛膺古道傍佳人賣笑垂楊裏垂楊二月隱朱樓家家宴喜樓上頭
棊局喧闐胡笙酒管絃嘈雜夜藏鈎繁絃急管夜初闌惜花少女怨春殘
梨花淚灑歌成血蘭炷漫漫火送寒牋牋風楊柳菖蒲浦秋月梧桐金井欄
秋月春花無斷絕門前柳李九廻折作陽臺雨後雲誰憐洛水風中雪

陽臺洛水夢空長那似倡家玳瑁牀
遙得東家佳姊妹却延西第好兒郎
織成錦席迷蝴蝶種得青梧棲鳳凰遊人戀戀無窮已踏遍江城春萬里
只解賓從集似雲那惜年光去如矢花開花落迴生愁郢樹郢雲幾度秋
霍氏功名成夢寐梁王臺館空山丘榮枯翻復竟何言昨竹弱水今覓
無人更哭西州路有雀還登翟氏門漢恩何淺天何薄百年冠帶坐蕭索
昔時噓氣成烟雲今朝失勢委泥礫青娥皓齒嫁何人金牀玉几爲誰作
已矣哉歸去來楚國非無寶荆山空有哀君看白雪陽春調千載還推作
賦才

擬古詞七首

玉殿蓮籌夜未央內人傳旨出昭陽朝來剛赴西宮約莫遣經筵進講章
宜春苑裏日初斜三百妖童校麗華珠韞我衣朱駿馬不知若個是官家
百子池頭九子萍美人雙照月棲青宮櫻葉落春如水諦得蓮花兩卷經
尚監當頭送好音羊車行處載鸞衾朝來領取鋪宮例御帕親封少府金
彩仗龍旌拂曙輕朝朝東閣坐先生皂囊久積言官奏分付金璫取次行
金衣滑滑攬春眼白髮中官進簡編天子自臨宣示帖美人親碾校書篆

一般春色有枯榮十樹櫻桃九樹生拾得青梅如彈子護花鈴下打流鶯

傷周生

溪頭曾見浣春紗珠箔于今天一涯紫陌重邀千寶騎青樓無復七香車
美人南國空湘水處于東隣是宋家記得西廊香閣裏鉛花長插一枝斜

客有贈余宮燭者卽席同劉元定方子公丘長孺閩孝若賦之

刻鳳含魚吐春篆只擬蓬萊天上見綠錦方底散青烟一朝別却宮雲面
不照明璫翠步搖書帷自剪讀離騷擣撥春雷罷不聞細雨珠花滴小槽
韓家燈檠夜相伴離離朱粉烟黃卷瓦瓶石臼竹方牀上有羅文折角硯
莫道不如宮裏時高齋守盡蘭心茜柳鄆才人嫁廝養猶勝閉置閒宮殿
柏梁宴罷霞成堆昆明池底夜珠來紅膏自擅不得近阿監但掃沉香灰
汙花凝滴雪珠膩蜀葵粉濕青蟲醉一石酒盡尚留兒扇婢甕兒爛漫睡
燭龍傳語九微光輸盡婪杯老閑吏

紫駒馬

紫駒馬行且嘶願爲分背交頸之逸足不願爲追風絕景之霜蹄霜蹄滅
沒邊城道朔風一夜霜花老縱使踏破天山雲誰似華陰一寸艸紫駒馬

聽我歌壯心耗不盡奈爾四蹄何

郊外水亭小集三首

山自蕭森澗自寒却憐勝地在長安桐陰恰好當窗覆柳色終宜近水看
已倦呼兒猶問酒不情逢客強加冠湘江亦有幽居處多少芙蓉隱釣竿
幽篁戛戛坐來清懶慢都無對客情戲水鷗雖分浪出趁巢鳥每曳枝行
堂前羯鼓人三爵花下彈碁鳥一聲紅藥青軒如夢裏幾年塵傍馬頭生
清歌嫋嫋兩妖童尼酒題詩興轉工拾翠女來虛檻外分蔬人立小畦中
落花撲面都如雪密樹宜亭不礙風惟得夜來鄉夢好穿雲直入武陵東

秋閨

秋色透羅幃寒芳片片飛蛩吟生暗壁螢火度空機閨月流新照簾霜換
故衣征鴻與蕩子同去不同歸

別王百毅

河上清霜雁字斜西風匹馬又天涯錦帆逕遼郎官舍冠子橋通處士家
好事每供梅月水清齋長試轂前茶東隣不是無姝子眼底何人解浣紗

虎丘

一片千人石瑩晶若有神劍光銷不盡留與醉花人

春江引

溪濺濺艸茂茂野桃露滴珊瑚紅花氣曉腥魚子浪柳枝晴扇麥苗風美
人羅袖撲香藥料斗旋旋丁子尾百舌欲止復衝人一聲滴溜芳溪裏

皇甫仲璋邀飲惠山

東風吹水浴平沙鷺鷥鳴滿釣檻去日翟公猶有客到來潘岳已無花
谿鱗呷雨層層浪山確春雲處處家白石青松如畫裏臨流乞得惠泉茶
和萃芳節主人魯印山韻

愛看幽鳥曝新陽每遇嘉陰卽倒觴盡日竹烟消酒去有時鶯語入簾長
春塘雨過波紋亂花場風回蝶翅香行到碧橋深柳處一帆涼月滿吳航

小婦別詩

弱柳輕帆快達人巫山原是女兒神願隨灝火清明雨洗却錢塘十里塵

廣陵別景升小修

搖頭幾日見新絲二月河橋上馬騎長短官街鶯鶯鼓高低楊柳冒腸枝
汀烟一擔兌行李流水三叉各路岐北地南天千萬里青巾白帽幾人知

淮安舟中二首

別思抽如緒醒醒也不休觸遙風自語研櫓浪相採野釣空舟側荒客古渡頭微官真可笑諺語拾班娛

空郊不可行積礪與萬平南耳懸枯木燒痕入古城按圖知舊壘認柳識郵程一望淮陰暮令人百感生

淮陰侯祠淮陰云解衣衣我推食食我

秋郊兔轡韓盧竄三尺青蛇捲鋒頽到手山河慚與人却向雌雞納腰領英雄柱足埽羅網辯士舌端空來往本將衣飯畜王孫未許肝腸敵亭長一局殘棋了項秦五湖西子白綸巾貪他一顆真王印賣却淮陰跨下人

經下邳

諸儒坑盡一身餘始覺秦家網目疎枉把六經灰火底橋邊猶有未燒書擬古樂府有序

樂府之不相襲也自魏晉已然今之作者無異拾唾使李杜元白見之不知何等呵笑也舟中無事漫擬數篇詞雖不工庶不失作者之意

飲馬長城窟

長城水嗚咽夜夜作鬼語問子何代人防胡舊軍旅冤魄不得歸
鄉土白水洗白骨癟盡水酸楚洗多成墨流水性毒于蠱立馬古戰場長
嘶待天雨

長安有狹斜行

按金駒立長溝枇杷落盡茱萸秋山西女兒帕勒頭面上堆粉鬢堆油二
十五絃彈箜篌猩紅衫子葡萄紬笑問南粧如此不

妾薄命

落花去故條尚有根可依婦人失夫心含情欲告誰燈光不到明寵極心
還變只此雙蛾眉供得幾廻盼看多自成故未必真衰老辟彼數開花不
若初生艸織髮爲君衣君看不如紙劄腹爲君餐君嚥不如水舊人百宛
順不若新人罵死若可回君待君以長夜

相逢行

行行卽曲巷曲巷多高艸窗路掠蝶絲讀書歲月老壁上榮故圖手裏黃
石編當盡三時衣不直數緡錢兒女無襦著當時艸故紙稅地植桃花十
樹九樹死君莫悲腐艸腐艸發光耀玄霜畏冬青白髮傲年少

悲哉行

石馬立荆棘荒城叫老鴟昔時冠帶人唯有鶴來歸宿志慕長生明當盡刺議父母不我容碧海三山飛朝牧老君龍墓守劉安雞仙家歲月長桃子三垂枝歸來見荒塚半是孫曾碑城池自易王族里無從知古人悲夜繡今我亦似之白骨不可語鶴歸空爾爲

門有車馬客行

門有車馬客錦襯易紗巾寒毛接短髮絲綵沙與塵問子何勞勞上書西入秦八年始一命官卑不敢貧冒霜揖槐柳望灰拜車輪一身百糾紛形如一束薪手纏不自解利刃寄他人簷與藥同餐雖甘亦苦辛

京洛篇

煌煌京洛城朱衣喧廣道白首賤書生驕藏掛詩艸懷刺謁恩門門卒相輕眇十上十不達登街顏色槁晝身事皆公習諛苦不早罩眼一寸紗茫茫遙人老

輶鮑行

蝦鮋出潢潦道逢東海使魚服而介身呷浪以相戲物微恐見侵跳波爭

努臂東坡招能兄西谿喚螺弟水蟲萬餘種名各條兵議聚族鼓鱣鼈不能當一噠

升天行

乘赤霧鞭撻轍路逢王子晉玉簫吹已折織女弄機絲餘緯爛胥闕下土
蠅虱民誤吸作雌霓張翁老且耄舉止多媿喪侍仙三萬年不曾見隆準
真人多竄左天狐慘餘孽羲御失長鞭牽牛歎河竭

櫂歌行

妾家白蘋洲隨風作鄉土弄篙如弄鍼不曾拈一縷四月魚苗風隨君到
巴東十月洗河水送君發楊子楊子波勢惡無風浪亦作江深得魚難歸
鷗充餌罷生子若鳬雛穿江復入湖長時剪荷葉與兒作衣襦魚苗風洗
河水皆長年語

青縣贈潘茂碩

竹葉遮人吏公移只坐銷印牀生木耳碑舍長蔬苗貧邑多詩料明官有
醉僚一城不數武容得幾科條

梨花初月夜

梨花疎點貼窗流斜月笙簫處處樓醉裏不知花是影隔紗簾喚小揚州

天壇三首

空壇深淨駁琉璃秀髮簪冠老導師銅杏金函秋艸裏如人不似世宗時
碧翁難道是無情分合千年議不成不得寧居天亦苦來多事是書生李後主呼天爲碧翁

憊苑桃花朵朵香曾於天上看霓裳劉郎老去風情減閑把音容問太常

昌平道中

菴前乞得老僧茶一派垂楊十里沙烏籠白籃憑揀取麝香李子枕頭瓜

得舍弟徐州書

佳人生死不知聞辜負梨花一面雲昨日宮羅新裁剪爲伊留得半拖裙

劉常侍水軒

竹筍崩沙岸槐根出釣磯卷簾山放入打果雀驚飛護樂添新幕拋越換
短衣倦來觀洗馬鞍絡盡珠璣

戊戌初度二首

禪燈灑灑雪玻瓈貝典將來戒小妻客裏羈情籠野鶴鄉中春夢閱山雞

灰心竟日疏莊子彈舌清晨誦準提無限長林無限羽一枝那復計高低
閒居心似夾冰魚雲裏輪蹄亦自疎研酒和來香泛帖瓶花吹落濕沾書
艱深乍覺詩如識消散方知道是虛一卷珠華縉未了被人邀得過僧廬

羅隱南王章甫小集齋中說舊事偶成三首

漢江秋淨石粼粼黃鶴樓尚不見塵今晶瑩塔
萬瓦如鱗繡作堆別山重見禿翁來晴川閣下南條水一日同君蕩幾回
珠樓曲曲貯仙娃一帶風窗十里紗記得丁和門外路女墻東去是他家

入超化寺水村去密二十

頽壁壘谷瀉溪光石上題名尚李唐竹葉送陰遮古寺稻芒隨水出山莊
一林過雨蘆花白半壁疎雲栗子黃猶記西風紅蓼裏桐槽載網入瀟湘

十六夜和三弟

涼月如霜鑒薄帷空杯無計覓糟醕買燈聊復歡兒女弄筆粗能遣歲時
花火每攢騎馬客蠟光先照走橋姬少年樂事今無幾近老方知此興衰

暮春同謝生注生小修遊北城臨水諸寺至德勝橋小軒待月時

微有風沙

無才終是樂官閒何地何賓不解顏乍疊乍鋪風裏水半酣牛醉霧中山
御構板落金鱗出宮樹花翻乳燕還淺綠疏黃是處有泥人真自勝姪嬌

送君超還武陵

山水心情謝永嘉斷溝殘石漸盈車馬齊是處鴉棲墨娃閣頻分燕作家
袖裏新書驚惠子卷中逸事困張華烏藤白哈仙仙去知入桃源幾樹花

和小修

蘄州新酒白石缸空雲影澄暢頭江露稍干縷撲斜窗黃笙藤枕夢吳艣
葛締小眼如雲涼星河放教萬尺長

和江進之雜咏四首

山亭處處翠胡牀不獨游忙睡亦忙官况易消如暴水癡兒難長似黃楊
巖花盛日求長假石榻開時見古方擲却儒紳與巾子添將水水注茶湯
盆池清淺薄苔封弱竹叢叢个影重殘帙有芸猶被蠹空闌無檠亦招蜂
西山鬱鬱蒸蒸氣講閣朝朝暮暮鐘磬聲數點雲冥冥五界茶新寄吾吳儂
藤葉常懸四五葩明隨方野過隣家西廂托疾東廂假南寺聽經北寺茶
蝶老花闌如倦客天清雲薄似飛紗姬衫典盡瓶猶餒學把綵錢托畫叉

六尺蓆階九尺廡玄毫白楮任生疎花前屢泛檳愁酒架上聊存引睡書
新竹細紋如浪滑吳絹寒緯似雲舒幽窗枕騰騰去煉佛求仙事總虛

繁臺張昭南給諫竹居王孫邀飲留別

白果青蔬勞遠程高臺傾矣曲池平沙田似雪耘枯塚柿子如丹綴土城
古蹟有無遺宋獄監門應否識侯生欲知別後愁多少試檢霜毛添幾莖
宿朱仙鎮

秋高夜鐸冷空庭艸木猶疑戰鐵腥地下九哥今悔不金陵花鳥哭冬青
羯胡歲歲括金錢稱姪稱臣也枉然駕角不生龍蛻冷酸心直到大兒年
青驄挽斷綠楊絲寒食西湖祭酒時第六橋頭香十里桃花風起疊琉璃
祠前簫鼓塞如雲始泣爭翻弔古文等英雄含恨死幾時論定曲將軍野
史載曲端事其烈

柳浪館二首

偏將藍旛浸春顏風柳鬢鬟九尺鬟鶴過幾迴沉影去僧來時復帶雲還
開疏滯葉通鄰水挺興荒草平小山欲住維摩容得不湖亭纔得兩三間
一春博得幾閒顏欲買湖居先買閒窩有累心猶被斥梅無高節也遭刪

鑿窗每欲當流水詠物長如畫遠山空霧屯烟青節翠不知鶯在那溪灣

坐王章甫水明樓

漢陽

簪光設色淺深間萬瓦鱗鱗鑑碧灣孤塔自來當沔口高懸湖面說廬山
當時杯底沈黃鵠每就堂中乳白鶻南北精藍青比比蒲門纔得箇人開

瀑布

笑空日夜摩幽綠霧縠龍納披幾束銀灣截斷牽牛人鞭起照龍駕天敵
帝宮酒暖澆愁春雲汁茫茫鴻清淥夜寒霜重玉女騎神女金區向地復
湘娥手挈瀟湘來雪魄雲魂鬪不足炎官不到落星城六月人間呵凍玉

久雪忽晴喜而有作

殘花殘木總精神纔見寅年一日春柳態美如新憐髮山容親似遠嶺人
閒追老衲三餘輩更踏冰池五六巡江郭早須騎馬出旋呼稚子覓頭巾

放言效白三首

賢愚富貴且憑他山上警犧柳上蛾鐵網試撈穿海月漁舟任載過頭波
齊肩大士辭筆久禿髮中書感事多船上老郎江口女咿啞容易得成歌
鸞靴爭說上場難衫袖郎當且自看世路兩平三仄嶺人情八折九迴難

胸中毛女霞千片石上王喬藥一丸夢去幾番登黃牘扶桑清水浴頰盤高人竊欲比無功閒把心情托去鴻易象有時輸瓦卜騷材兼不廢姪風謀生拙似嘶水鶴觸事剛如蝕木蟲莫放大鵬天上去恐遙白日駭愚蒙

柳浪初正有僧寄山子

旋睞白髮號衰翁舊業今談次第空山鳥乍聞新格磔峽僧遙寄小玲瓏坐消纖雨輕陰日闌踏疎苔淺碧風收拾方橋與蘭檠待看紅萼慢流中

別龍君超君御兄弟

青鞋不破武陵春歸去西風一面塵荷葉山頭聞杜宇余村居名荷葉山桃花源上別秦人深村稻熟泉當戶廢苑茶香寺作隣可是無花無地玉秋綠無計得分身

桃花流水引四首花源棹返幽思縈懷枕上夢中如有所得命口桃花流水引亦仙家竹枝詞也

華陽巾子碧絲環紫府簾前舊押班阿母筵頭爭一擲醉中輸却小蓬山夜深仙犬吠花闌私過雲英與玉環天上看來偷健筆玉橈一顛謫入閑精閣紅霞陌上塵靄暮日風霜舊與笙歌皆斯品要作蓬山鶯坐人

光碧堂前催賜衣少年夫女弱腰圍而今花樣新奇甚不用銀河織錦機
托龍君超爲覓仙源隱居詩以寄之

雲石村中且卜廬憑君爲買一峯餘全栽芝菊_空疆界盡寫雲嵐入券書
門對仙童澆藥地巷通少女浣花渠閒中每愛天台去好與劉晨間屋居

竹枝詞四首時阻風安鄉河中

一溪縱順一溪灣一尺纔過一丈還船子已愁箭括水兒童又指帽兒山

謠云黃山戴帽必風雨河名一箭河水勢甚急

雨河名一箭河水勢甚急

蘆花枝上水痕新南市東村打白鱈只在采山山背面梁山何苦不離人
武溪葱翠獨稱梁正望黃山一點蒼三日風頭兩日雨謝公昨夜拜梁王

山有謝公祠梁山神即漢梁松也俗呼爲梁王

黃

儂家生長在河干夫婿如魚不去灘冬夜趁霜春趁水蘆花被底一生寒

初冬夜同郝公琰襲散木閒譚

雲樹蕭然丈石居清豐遙夜薦霜蔬佳言屢似飛香屑往事真如繹故書
窗外影閒雙睡鶴燈前手冷一編魚寒花瘦竹差相得白首承明夢亦疎

乙巳元日

湖柳侵街水接門東風纈纈澹微溫久乘下澤無官韻乍着紅衫有摺痕
皓首顏顏俱入市碧芽新鳥又成村歸來且坐梅花下倒却鵝黃四五樽

登華錄二首

洗頭盆下擷芝苗古洞深松話寂寥仙迹久湮無後輩遊人逆數卽前朝
身輕眼豁腸皆換月冷烟清夢亦遙見說乳泉甘似酒搘蘿親與試雲孤
玉井前頭乳穴重奚兒聊以一甌從空崖壁冷長留雪古屋玉昏尚鏗龍
明月自升千尺嶺道人閒說五株松瀑簾洞下暮靄老占斷林泉是此峯

表儀制中道

中道字小修中郎之弟也少於中郎兩歲十歲餘著黃山雪二賦五千餘
言長而通輕俠游于酒人以豪傑自命視妻子如鹿豕之相聚視鄉里小
兒如牛馬之尾行而不可與一日居也泛舟西陵走馬塞上窮覽燕趙齊
魯吳越之地足跡幾半天下而詩文亦因以日進晴而學於李龍湖有志
出世操觚應舉懷利刃切泥之歎久之數困鎖院而兩兄皆應仕流離世
故有憂生之嗟萬曆丙辰始舉進士授徽州府教授遷國子博士乞南得
禮部儀制歷官郎中旋復乞休以疾卒年五十有四小修嘗自叙珂雪齋

集謂其詩文不及古入者有五欲付之一炬而名根未忘不忍棄擲又謂出世則以超悟讓人退而修香光之業用世則以經濟讓人退而居仕隱之間修詞則以經國垂世讓人姑存其緒言以當遺蹕之一喙皆實語也余嘗語小修子之詩文有才多之患若游覽諸記放筆芟蘿去其粗半便可追配古人小修曰善哉子能之我不能也吾嘗自患決河放濬發揮有餘淘鍊無功子能爲我芟蘿序而傳之無使有後世誰定吾文之惑不亦可乎小修之通懷樂善若此而余遂巡未果實自媿其言小修又嘗告余杜之秋興白之長恨歌元之連昌宮詞皆千古絕調文章之元氣也楚人何知妄加評竄吾與子當昌言擊排點出手眼無今後生墮彼雲霧蓋小修兄弟聞師承議論如此而今之持論者夷公安於竟陵等而排之不亦過乎小修子祈年字未央余改字曰田祖出爲後於伯修舉鄉書詩筆有家風秀而不實余深痛之

入城道中

山北山南自隱藏閒心又逐馬蹄忙綠禾畦裏流聲細青艸湖邊雨氣香
柳市特來尋萬子柴車到處指何郎春深刺有繁華地處處東風發練裳

武昌坐李龍潭邸中

比來三食武昌魚今日重留靜者居我有弟兄皆慕道君多任俠獨憐子
尊前鸚鵡人如在樓上元龍傲不除芳艸封天波似雪捲簾對雨讀新書

郢中遊春曲二首

總以堂堂去何容緩緩歸隔溪鶯對語掠水燕雙飛野艸香沾屐修篁翠
濕衣山花一樹好遊女采來稀

春在盡橋頭殷紅照碧流幾回看去馬一笑蕩輕舟夜月梨花夢春風燕
子愁願爲原上艸歲歲藉芳遊

繡林阻風遠望

雨中新柳淨江頭燕子穿花立釣舟東去湖湘多大澤春來天地少安流
南平驛路何時盡北渚風烟渺自愁石壁沉沉收落日一痕漁火動沙洲
阻風登晴川閣予兩度遊此皆以不第歸

苦向白頭浪裏行壽山也識舊書生相逢誰勝黃江夏不死差強禰正平
天外雲山金口驛雨中楊柳武昌城漢濱父老今安在只合依他隱姓名

麻城道中二百一

天雨乍霽雲乍拆馬首諸山齊獻碧崕崕突兀向翠峯淡雅鮮妍可憐色
長途遙邈無止息北風夜起轉愁絕馬鈴當當近殘日鳥鳴千點古壙側
我有新愁寫不得

山骨鱗鱗忽起脊中間尺餘馬蹄跡只道山石碎馬蹄誰知馬蹄能穿石
莫言此石太辛苦南山石閱北邙土石深一寸土無數馬上兒郎方笑語
詠懷四首

大堤有垂楊鬱鬱垂新綠北風一以至蒼然換故本四時近推遲時光亦
何速人生貴適意胡乃自局促歡娛極歡聲色窮情欲寂寞寄寂寞被
髮入空谷胡爲逐紅塵泛泛復碌碌

龍山有佳木採之以爲船隆隆若浮屋軒窗開兩偏粉壁圓扇潔繡挂水
龍蟠中設棐木几書史列其間茶鎔與酒曰一一皆精好取董曰五人鼓
吹一部全囊中何所有絲串十萬錢已饒清美酒更辨四時鮮擣我同心支
琴白沙市邊遇山躡芳辰逢花開綺筵廣陵玩瓊花中冷吸清泉洞庭七
十二處處盡追攀曲盡方移去否則復留連無日不散宴如此卒餘年
大運無終盡細柳不常灼金樽盛美酒鬱鬱胡不樂以手摸頭巔隆隆一

其骨暫時屬我身誰知非我物轉盼忽如電微驅戢一木鳥鴟鳴其上青
蛙叫其足白蟻如白粲行行相蝕駁

世道交相喪忠義遞代出艷艷矜名子禍來空歎息事機多倚伏藏身亦
何挾人皆種香蘭我獨種荆棘香蘭有人鋤荆棘老道側

小竹林贈別傅叔睿

鹿牀深處且從容吾子風流不易逢張繙通身如嫩柳謝郎五字似芙蓉
月來池上花光淨雨過園林竹露濃若使前生非大士如何一見問空宗
初逢中郎真州

龍子拋殘豆鴻離厭故枝有官君尚棄失路我何悲月下詩千首花前酒
一卮飄零終不恨同氣足相知

讀子瞻集書皇中郎

登朝便與禍相粘塵世功名到底甜直到海南天盡處桄榔樹下憶陶潛
述別爲丘長孺

哀哀一孤鴟飛急向東逝傷哉金石交三載乃相遇相遇能幾何一見不
復雙子尚滯西陵我遂往攀江鑿江不忍別復有攝山行攝山不忍別逐

子至冶城冶城不忍別十日淹江頭飲子清冷酒臥子木蘭舟酸心一夜
風舉目三千路別矣可奈何含淚入城去

贈別梅子馬督木北上

名士安卑官居然有狂意入甲豈非龍何必垂天翅祝融不受職朝廷多
災異我上扶階秉官不錄一字書生徒苦一報國恨無地今爾督木來勾當
公家事奔走莫云勞小大皆朝吏十月茱萸薄相牽同一醉官散東納輕
何妨入酒肆一傾三百杯陶然臥壘次萬里從茲行天風捲雪至

美人臨鏡

蘿葉依稀印香繩取次鬆睡眸猶少力酒暈不銷濃鬢就山爭出眉成月
又重若非形血形未必肯相容

諸陵月下送潘尚寶二首

野客無名隸奉常朱藤皂帽踏清光石橋印月深深雪松影搖風暗曉香
宮道馬嘶烽火密長陵鍾動屢聲忙祠臣號帶烟雷氣白髮寥寥尚聖郎
泉聲碎碎鳥關關並馬林中也自開一縷翠冕明御道萬重枝影暗深山笑
譚皆是天人際交誼寧居季孟間莫教羸弱龍去久丹臺君是舊仙班

分韻詩集二十一
草春長安郊遊二首

草春春始偏長安楊柳青青拂水端若似江南春太早而今那得嫩條看
木亭箕坐兩三人湖面晶晶柳帶新夜色遠來休道去忍將白水換紅塵
得勝門淨業寺看水同黃慎軒兄弟

南人得水便忘憂兩日三番水際遊花露沾衣濃似雨潭風著面冷如秋
菰莎帶荇流何急擲雁拋鳧浪未休天外盡橋橋上柳低凝身在望湖樓

高梁橋

覓寺休辭遠逢僧不厭多一泓春水疾十里柳風和香霧迷車騎花枝耀
綺羅半生塵土冒滌浣賴清波

西遊

轡環窮野徑忽到水中央唼雨魚兒集棹波濶子忙馬來沙堤雪人坐
粘香爲愛溪流急移尊向石梁

晨起

醉境直連夢寐牘暗自猜行皆方識兩訊客始知雷濕柳數聲滴泣花
柔闌向人增乞竹宜趁此時裁

長安道上醉歸

天街十里霧蒙蒙醉後依稀似夢中
枯樹寒鴉一背月懸情歸馬四蹄風
棕櫚暗藏禪寺鈴拆沉沉護漢宮
訊罷驕人無一事流星如火耀晴空
別顧太史開雍時冊封周藩取道回吳
細雨沾長道垂條濕去旌時平天使貴官冷客裝輕泛月來沙海踏花渡
柳城風塵還着眼亦自有侯羸

送丘長孺南還二首

文人情性武人裝
闊帶花衫大羽囊
鞬毛典印重出塞
臂盾羣犬復還鄉
身穿通邑千人看
馬度秋原百鳥藏
翁前途久留滯吳鄉醜酒待君嘗
使君爲我解愁腸
九夏鉛來閃電光
梵寺看花三日雨
射堂踢月五更霜
譚宵微曉寧辭倦
卷醉死重生不計寥
今日飄零南北去
夢魂常繞紫蓬艤

西陵別韻軒居士還蜀

雷歎如雨灑征衣
勝侶而今會漸稀
帝子已安仙客去
鶴羣無主道人歸
薄薄水學蠶頭法
片片雲呈麈尾機
不是倚門親在舍
西陵那忍遽分飛

入村

出郭方知霧登舟始辨風水生蝦眼赤霞過雁翎紅浣渚喧遊女蘆洲息釣翁人家蒼翠裡鮮豔一枝楓漁人云蝦眼赤則水漲

賀簷谷暑中卽事

只許山僧對此君柴門久已斷人羣梅花與裡孤吟至不覺寒灰是冷雲

二俱高僧

七夕同彭長卿中郎

清譚閒送可憐宵竹戶斜通宛轉橋白水青林秋澹澹好風涼月夜蕭蕭貧來冶客傷時序老去詩人怨寂寥驚鳥不鳴更漏靜如聞銀浦弄輕波

別陳孝廉

同是蕭條易水年兩人幕府共牀眠山游且學鄒從事米價難支白樂天一杯裡楊花胡地雪夢中芳艸錦城烟陸郎已上班驅去帶艸離離伴鄭玄一投贈太保塞令公六首

三朝元老帝長城胸貯雄邊百萬兵太尉領軍陪漢相上公分吹護周京
鄉雲不散投戈色夜雨猶聞洗甲聲曰給善書編無一事蕭何還是舊書生
天家鎖鑰重漁陽親遣元臣鎮塞荒白日肩平塵屬國青油幕底拜降工

繁花爍逝千門雨介胄寒生六月霜身事累朝閭社稷中實私語躋焚香
塞北重欣借冠君琵琶曲裏奏功勳校書百帖高連屋種柳千行翠入雲
魯國到門諸弟子漁陽廻席舊將軍大王銷盡子戈氣閒却衣家倚馬文太

保曾督學山東

早年節鉞便登壇歷盡羊腸幾百盤怒擲千金酉長哭密誅三校悍兵安
梧楸局外吹毛易劙戟林中任事難自署老臣衰世道艱危未必是呼韓
戰枝入樹帶春鶯坐看邊烽雨後清萬卷每同秦伯業子孫不讓鄭康成
山程易逐登臨屐月夜常聞幽道聲共憇三台虛上相尚書尺一票來迎
屹然全似魯靈光虎跡龍蟠孤兔藏處世心同羊叔子立朝歲比郭汾陽
止將文酒銷戎隙懶把笙歌貯盡堂擬報國恩歸未得夢中常到午橋莊

感懷詩五首

步出居庸關水石響笙竽北風震土木吹石走路衝蹀躞上谷馬調笑雲
中妹囊中何所有觀筆注陰符馬上何所有腰帶五石弧雁門太守賢琵
琶爲客娛大醉研案起一笑捋其鬚振衣恒山頂拭眼望匈奴惟見沙浩
浩幕山向海趨夜過虎風口馬踏萬松株我有安邊策譚笑靖封狐上書

金商門傍人笑我迂

輕帆止江淮家山在烟霧振衣入郭門城池已非故朱門湧清波長堤直
衢路手植門前柳虧蔽成高樹道逢小兒子長揖向阿父入門眷屬驚猛
大狺狺怒昔時携手人大半先朝零感舊有餘悲歎逝傷情係

山村松樹裏欲建三層樓上層以靜息焚香學薰修中層貯書籍松風鳴
颶颶右手持淨名左手持莊周下層貯妓樂置酒召冶遊四角散名香中
央發清謳聞歌心已醉欲去輶先投房中有小妓其名喚莫愁七盤能妙
舞百轉弄珠喉平時不見客驕貴坐上頭今日樂莫樂請出彈箜篌
昔時舊酒人傾尊定酒帥一吸百餘盞酒徒皆羅拜是夜月如晝大堤共
子蓮狂歌若奔雷長江吼滂湃居民不得眠親黨皆嗔怪精悍在而顏零
落舊壇會回首憶當年昨指以自戒
鳳神緣戢羽麝走爲遺香如何英靈士耿耿露寒芒激鋸多大韻搏黍見
顛狂世路雖嶮巇藏身亦乖方山北與山南白石可爲網流連塵網中哀
哉罹禍殃回首伍松喬譁易折毫芒惟有聰明泉流水常湯湯發言潛寶
契一室開蒙莊書存人已往撫卷有餘傷

初秋三首

微涼宿陰林頓覺煩暑退登臺對清池過盡停鶴青蘋發嘯歌時大數
聲吹

亭上人正醉池中鶴正睡浩露漸深林鶴驚人亦去
水氣抱柴扉林陰夜凜冽風至如行人芭蕉一聲裂暗暗梅花廝殘月如
疑雪

蔣壘晚發

宿病塵塵減新秋漸漸涼月寒千畝濕樹暗幾家藏近岫曉烟皮裏良苗帶
水香擣柔渾不住夢裡過朱方

九日登中郎沙市宅上三層樓

滿眼傷心處誰能上此樓林烟迷蜀道帆影識吳舟硯北人何在江南艸
又秋茱萸空到手欲插淚先流

別溧陽王竟甫

粘天濁浪濺征衣驚雁那堪兩處飛君爲友朋真不薄我亡兄弟欲何依
鳥林浦上殷勤別青艸湖頭痛哭歸首相莊無異約入山同采首陽薇

由艸市至漢口小河舟中雜咏二首

陵谷千年變川原未可分長湖百里水中有楚王墳
自算黑雲生且依龍口住小舟裙作帆笑語過湖去

漢陽感舊

泊天白浪淨無塵惟有孤巒塞去津芳艸偏僻衡處士桃花不夢息夫人
江頭鼓世機全息漢上題襟迹已陳屈指光陰今二紀無情豪淚漫沾襟
志載漢陽有桃花夫人廟卽息夫人也

再遊黃鶴樓

買看山水興猶清閑逐兒童樓上行窗外鐘聲大別寺杯中蝶影漢陽城
峰連建業荷曾斷浪接瀟湘總未平小艇犯濤如履地果然水戰利南兵
襄中懷先兄中郎

五嶽同遊暫未忘一藤獨徃淚千行青山到處悲王粲明月曾經照謝莊
蘇嶺雲闊濃似黛湘江春漲沸如湯尋思舊日經行處鳥語花飛總斷腸

王仲宣傳并謝公嚴皆此中佳處

太和山中雜咏

靈境經年入夢魂不知何嶽更稱尊山爲函夏諸丘長帝是軒轅有道孫
楚澤秦川羅下界日兄月姊時天門晴空萬里塵氛淨一縷卿雲玉座存

病中漫興八首

家計雖貧未奪精近來多病遂閒居撫琴一室山皆響兒壘頻年艸以書
自散鉢齋供慧易新敷盆藻護文魚小勞亦是調身法雨後園蔬手自鋤
山圍十畝半新篁嫁葉疏葵也似忙豈以心灰分去住總緣身病決行藏
空階月灑花枝雪靜夜寒添鴉背霜歌扇舞碧都委却那伽妙定一爐香
青苔冷冷照柴扉也有閒人伴息機東柏先生移錫至烟波老叟擲綸歸
玄言不怕知音少碧落從來賈米稀飛雀相逢堪自得懶隨黃鸝薄天飛
艷墮芳銷春又秋雁王鹿女共夷猶偶穿竹葉烟中徑來坐梅花水上樓
今石烟汀鷗鳥夢金題玉壁蠻苗遊亦從乘裹關心後閉邦湖邊小釣舟
風簾能笑亦能言玄對經年靜掩門定裡空書懲往事老來夢與念深恩
雄心已逐烟雲散綺習猶餘筆硯存春水桃花還有興一函先達武陵源
塵事何曾掛笑顰間時一杖步花茵無才永定山中計有病催成道者身
冒雪出雲朝絮絮殘霞還日夜鱗鱗近來微有安心處調象如今漸已馴

綠琴入匣任塵封。老去逃人頭轉濃。鴟氏由來譏畫虎。葉公原不愛真龍
閒聽谷口懸雷瀑。細數山前破墨峯。知已可憐凋喪盡。盤桓空對一株松。
世緣終淺道情深。况是頭顛老漸侵。白社六時銷晚節。朱陵四擇悟良箴。
雕沙畫石他生習點雪消冰近日心膚骨總宜雙淡漠不妨皓首寄珠林

台家有恩公朱陵四擇語重說法也

燈下有感

幾同揮麈話無生。青李何妨一寄身。越射龍游悲世路。南箕北斗歎交情。
衝風中燭花難結凍雨侵香穗。不成野老看來存古意。丹雞白犬綿新盟。

園居

潦艸支塵事。閒僧不用邀。蜀山皆欲去。愛雪只愁消。春近忙移樹。溪平好作橋。詩文三百卷。全似託由瓢。

閒步

舟居翻愛步。三里傍江斜。山雨猶藏樹。溪風忽聚花。穿雲閒揀石。折竹半書沙。望天桃色層。城一片霞。

入村

好似催耕鳥。冬時一度來。煩心隨水息。睡眼得松開。古屋深黃葉。閒窗照紫苔。今年春色晚。池上未舒梅。

別須水部日華還朝

移沙取石貯輕舟。清冷何曾似宦遊。春雪歌成辭郢里。梅花落盡別揚州。東風自護桓公樹。明月誰登庾信樓。兄弟凋殘知已別。枇杷門外淚交流。

訪蘇潛夫於小龍湖賦贈

春土添花徑。防湖漲柳渠。黃蘆觀睡鴨。碧水伴嬉魚。沼翼知臨帖。松鱗驗著書。重追宋炳跡。新染臥遊居。余少文築室三湖

居沮漳有懷郡伯吳表海先生

沮漳江上作漁翁。鈴閣猶遲一紙通。白社有心邀范甯。青山無路伴羊公。春風夏雨酬南國。嵐字烟書遍渚宮。試看停車親種柳。于今搖曳大堤東。三湖泛舟

晚風自送小船行。行過菰蒲乍有聲。共指遠林獵火起。不知月向此中生。遊山偶與客語成句

逢山即使遊。不必匆忙去四十餘年。忙折忙成何事。

海淀李城晚園四首

滿目塵沙塞路蹊，夢魂久已憶山棲。
誰知烟水清溪曲，只在天都紫陌西。
鎮日浮舟穿柳澗，有時調馬出花畦。
到來賓主紛相失，總似仙源徑易迷。
沉綠殷紅醉曉暉，入林花雨潤羅衣。
盤雲只覺山無蒂，噴雪還疑水有機。
遂與江湖爭浩淼，可憐原隰總芳菲。
何妨攜僕同栖宿，烟月留人詎忍歸。
追隨鶯羽到山阿，粹澤蘭亭未許過。
移得好花通捺苑，引來飛瀑似銀河。
微風嘯徹捎雲角，輕雨香添帶露荷。
逸繁華都不礙，纔聞灌木又聽歌。
烟雲綠見已顛狂，把臂深林趣更長。
語鳥自能清熱惱，流泉端的洗塵忙。
石無甲乙皆呈怪，花有新陳不斷香。
尺五天邊饒洞府，懶隨逸少問金堂。

宋西寧席上作

林樾真無暑，追隨竟夜留。
荷花爲塵尾，酒案代遊舟。
霞布依城寺，烟繁映水樓。
主人多勝韻，才子漢通侯。
御河不敢用舟以釀酒者盛水之案如長盆可坐十人名曰酒案

渡黃河

如雪寒沙千里平，猛風雖盡浪猶驚。
草經青女全無色，雁過黃河別有聲。

騎馬久無浮宅夢倚蓬忽動蕩舟情可憐廣武山常在寂寞誰知豎子名
病餘偶成

身入羶途已二年銅鳥蓄口龍譚禪浮名應作高官障多病翻成靜者終
風過蔬畦交薤字雨清石徑盛苔錢昨宵忽作家園夢笑上車湖舊釣船
由蕪湖入新安道上四首

春水平田築一羣黃花陌上野香薰若爲雨霽猶屯霧總以松多易染雲
洞拂古莎來鹿父原留斬跡過山君馬蹄閒踏蕭森影夜月朗曠兩不分
長途一縷蝕山腰麌至時逢伐木樵地僻乍存三兩戶溪多何止百千橋
小閣處處花相接遠岫重重雲未消半壁已驚千丈落登峯猶自路迢迢
幾廻披葉與穿花于役登臨望已奔驛路只隨晴雪去山程常被晚雲遮
何村不是王官谷到處堪爲處士家石甃鱗鱗溪練疾故將竹筏代遊槎
春鳥啼來不詣名桃花叢裡吠尨清欲登山塔都無路未見溪河先有聲
棗葉幾何人亦任頰頭直上馬猶行峻巖滿目餘阡陌處樵蘇間耦耕

舟次宿遷遼左信送眷屬南歸示兒子祈年二首
北風吹水撼孤城送子南歸百感生白首登朝逢禍亂黑頭失意過清平

爾衝濤浪還湘浦我逐干戈走帝京于古表家稱大族祇緣歷代有忠貞
章衣念汝拜頻頻骨肉分飛淚滿巾家值萍飄須長子時當板蕩要忠臣
駛波欲逗南歸客寒雁猶憐北去人不似大蘇遷謫日斜川尚得侍昏晨

雷簡討思霈

恩霈字何思夷陵州人萬曆辛丑進士選翰林庶吉士授簡討庚戌分考
會試請告歸卒於家何思好學問通禪理講經世出世之法其宗指在江
陵內江之間己酉出典闈試所擇程策頗見大意惜其未試而沒庚戌閏
中高陽公得余五策以示何思首策訟言江陵社稷之功而詆謀紹述者
何思曰楚人不敢言也非楚人不能知也吳士有錢受之者其人通博好
持大議得無是乎高陽撤棘告余歎何思能知人也何思與表氏兄弟善
當公安掃除俗學沿襲其風流信心放筆以刊落林般爲能事而不知約
之以禮石首曾可前字退如何思之同年也其詩亦彷彿何思天啟壬戌
閩人鄭之玄亦入史館聞楚之風而悅之其趨愈下小修所謂學語效顰
鳥焉三寫者正謂此也何思集其門生鍾惺所論次余錄其詩附二表之
後以見公安之末流如此餘人則蓋削不載

春興二首

信是夷陵春色好高唐倏
盡見虛空秦灰漢壘千年跡白移紅酣兩岸風
天外晴山朝霧裏城頭水更陽中畫船直上南津口釣艇時來西塞東
消得天厨書幾紙朝朝騎馬看烟嵐三年半在香山寺十月曾探滴水巖
清井北游秦淡淡崕河西上石嵯峨松風獨愛陶貞白官是蓬萊故後斷

臨懷素墨蹟

鷗羣鶴侶道人間只住青葱竹柏間欲買小庄先問水但逢佳客勸登山
深林不放雲輕出野艇常邀月共還家有懷公顧墨在臨時多染醉毫斑

和曾退如見懷

入朝歸野不同時薊北江南總繫思郭有青山看竹好門臨流水得魚遲
君遊何處多題句我到懸崖半寫碑終日借書兼借畫莫將紙字讀成織

漢宮引

少年宮女那曾愁相送琵琶學淚流姊妹大來閒話舊才人多少怨聲笑
明妃塞上已青塚我輩宮中也白頭

青溪龍女洞

欲買青谿上田絕憐龍女住寒泉須知成佛文殊後莫更投書柳毅前
嶺外獮猴閒出定洞中蝙蝠解安禪茅庵結得經行久應向人間作水仙

贈劉七

劉郎讀書王郎館酒到看花興到詩無事過余談竟日竹邊雙雀立多時

雁至

去燕新辭主來鴻舊作賓江空今夜月家遠隔年身結伴多依水將書只
寫人如何白翎雀歲歲北山春

有所思

何用遺君玳瑁簪雙珠明月照同心原來得自鮫人室說到相思淚不禁

北郊鶯房

遼城金壘古鷹房羊角風沙接大荒野竄舊無狐兔跡小池今有芰荷香
黃鸝獨語遮深柳粉蝶叢飛戀短墻千古幽州還禹甸卜年開統憶先皇

鍾提學惺

惺字伯敬竟陵人萬曆庚戌進士授行人遷南京禮部祠祭主事歷儀制
郎中以姦事提學福建丁憂歸卒于家世故少負才藻有聲公車開擢第

之後思別出手眼另立深幽孤峭之宗以驅駕古人之上而同卑有譚生元春爲之應和海內稱詩者靡然從之謂之鍾譚體譬之春秋之世天下無王桓文不作宋襄徐偃德涼力薄起而執會盟之柄天下莫敢以爲非宿也數年之後所撰古今詩歸盛行於世承學之上家置一編奉之如尼丘之刪定而寡陋無稽錯繆盛出稍知古學者咸能挾疑以攻其短詩歸出而鍾譚之底蘊畢露清冷之盈於是乎洞然無餘地矣當其初復之初亦嘗覃思苦心尋味古人之微言奧旨少有一知半見掠影希光以求絕出於時俗久之見口益僻謄日益粗舉古人之高文大篇鋪陳排比皆以爲繁蕪熟爛胥欲掃而刊之而惟其僻見之是師其所謂深幽孤峭者如本客之清吟如幽獨君之冥語如夢而入鼠穴如幻而之鬼國漫滔三十餘年風移俗易酒澑不返余嘗論近代之詩抉趙沈削以淒聲寒魄爲致此鬼趣也尖新割剝以噍音促節爲能此兵象也鬼氣幽兵氣殺著見于文章而國運從之以一二軀才寡學之士衡操斯文之柄而徵兆國家之墮衰可勝歎哉可勝悼哉鍾之才固優于譚江行俳體其赴公車之作入蜀諸詩其初第之作習氣未深聲調猶在余得采而錄之唐天寶之樂章

曲終繁聲名爲入破鍾譚之類豈亦五行志所謂詩妖者乎余豈忍以蜘蛛之音爲關雎之亂哉

九灣

若非踏今塗昨日險亦足果然倚層峻蛇鬼猶躊躇兩崖窮登頓相對不去矚稍焉歷其顛許身已平陸俯仰前後視乃知多岸谷足跡信延袤自境自蹙縮鴻飛已青冥背顧猶遭觸深薄警營魄幽幻豁心目

雨發九灣至端州

亂山無清曉雲水但稠濶累日行重風叢密何由豁安知茲壁外不有朝暾曜頽雲初離洞流出自焉託嶺半一家如鳥巢阿閣人語向空濛烟火出宜漢隔江望旆旆陽見井郭湖爲旣濟後昏暮猶墟落

瞿唐

至此始稱峽岸束江輒江勢有往還前山幾茹吐兩崖何所爭終古常相拒水石日夜侵無所而怒灘瀆瀆孤危悍流不能去立石如堵墻中劈才一縫片廻不見江行無乃迂舟過其隙中乃知此其戶還顧始自失慨然慙徒旅

西陵峽

過此卽大江峽亦終於此前途豈不夷未達一間耳僻入大都城而門不容軒虎方錯其牙黃牛喘未已舟進却湍中如狼赴其尾虎牙狼尾誰名當其險夷交跳伏正相躋回首黃陵沒此身才出區不知何心魂禁此七百里夢者入鐵圈醒猶忘在几賴茲歷奇興得悟垂堂理

北固夜歸

遊遲異晚天晚際反淒妍好月下山路順風掃浦船雲濤孤棹外市場半燈邊回首芥苔處金焦在亂烟

寄懷表兄王幼振兼邀枉過

病來疎舊友老至念周親五十餘中表存亡凡幾人回頭梨粟日彈指杖輿身莫悔前時濶從今相遇頻

沈雨若自常熟過訪

時吾得受之書

見君疑舊識不必故人書所念久離別欣聞近起居朋來鴻雁後兩止菊花初得問虞山樹寒紅三月如

月下新桐喜徐元歎至

是物多妨月桐陰殊不然長如晨露引不隔晚涼天綠滿清虛內光生幽
獨邊懷新君亦爾到在夕陽先

墜蟬有聲蟬共持之茂之解焉

神潔誠難辱居高未免危又非逢臂怒遂致折肱悲吟嘯能無廢隄防似
亦遲幸災羣小急威遇一身知命已看如覩心猶惜此綏結纓賓鄙志捐
網荷弘慈弓餌煩相警環珠恥見遺寒宵深抱葉賤子報恩時

宿浦口周生池館

江邊事事作山家復有山齊著水涯一壑陰晴生草樹六時喧寂在鶯花
潮尋故步沙頻失烟疊新痕嶺若加信宿也知酬對淺暫將心迹寄幽遐

花山禮銅殿

一路陰晴屢不分山中風候易紛紛村過數日無紅葉江近雙峯似白雲
蛇虎夜深求懾度鼓鐘人定示聲聞可憐世外僧經濟金火須臾歷劫勲

江行俳體十二首

五載前曾說此遊問程結伴幾春秋艱難水陸千餘里大小關梁六易舟
畏路刺船頽裸體乘流開柁緩航頭順風一日行三日莫待依灘怨石尤

虛船也復戒偷關枉殺西風盡日滯舟臥夢歸醒見水江行怨泊快看山
弘羊半自儒生出餒虎空傳稅使還近道計臣心轉細官錢曾未漏漁營
巴舷吳榜簇江干市儈村倡半倚灘繫艤檣抵鄉閭投單例辦敝衣冠
女兒編竹成長纜乞子施竿覓刺盤小金羃炊如候代奚奴亭午未朝餐
江鄉漲後指荒郊木杪魚醫俯雀巢處處葑田催種麥家家竹瓦代誅茅
岸容霜老菰蒲禿水氣晴粘艸樹交快舫蝕波纔寸許急湍底復怨舟膠
日日移家處處隣吳頭楚尾半波臣罟師嚼米餐烏鬼舟僕偷錢買白鱗
鴉食肉能謀底事痴銜魚欲祭何神黃頭見我詢潮步笑是潯陽始過人
羞從狐鼠叙行踪隨例輸錢買印封半月員程過一月杪冬孤艇發初冬持
符官卒尊於吏附舶儒生賤似傭估客孝廉陽不問胡林指顧太從容
村烟城樹遠依依解指青溪與翠微風送白魚爭入市江過黃鵠漸多磽
家從久念方驚別地喜初來也似歸近日江南新勞後稻蠻難比徃年肥
小聚星晨屢斷連山根一縷露人烟土音偏不移難犬市聲通行雜鈔錢澤
國火耕兼水耨霜林棗地接楓天時艱夜禁明書楔撥刺更更響釣船
王風何異竟陵城水代平田網代耕放去野兒偏認王教成馳獮聽呼名

狂書烏過沙留譜囂語鳥眠夜作聲奴子入吳學細睡儂音儈舌全生
于門市火亂漁燈銜尾官艤也繁晉屋乍隨春漲徙灘舟專候早潮升
清時閏左衣形緩儉歲江東米價增從客諱言新入洛自稱前度到金陵
湖褪金蕉岸稍曉斷虹嵌壁劍突城歲堆積翠深藏空雨隔殘紅半露嚴
近海蜃晴朝列市乘風魚背暮帆帆新荷香過吳江水思製瀟湘隱士衫
鳴榔打鼓算乘潮借得官舟勝客船奴子暫時聊意氣朋從此日也逍遙
公然鷓首橫銀榜無數漁賈避羣橈睡醒却詢爪步岸長年前指廣陵橋

忠州霧泊

漁艇官舟曉泊同蜀江愁霖不愁風烟生野聚汀寒外雪滿山城水氣中
曲岸川起翻似盡遙天峰沒却如空依稀往日丹楓路稍見霜前遠近紅

秋曉

清秋但覺曉猶清起趁空明遠砌行在竹露沾星下影出林鴉帶夜來聲
烟隨歷亂孤光去人語稀微衆動生高枕倒衣皆此際紛然喧靜各爲情

秋夜集俞伯彭園池

閒園無意作衰天水氣花陰事事然霜後芙蓉猶有露冬前楊柳暫爲烟

魚龍夜惜殘秋去鳥龍寒驚片月遷四序樓尋吾欲遍愛君不獨在林泉

譚解元元春

元春字友夏寃陵人舉于鄉爲第一人再上公直物于旅店與鍾伯敬共定詩歸世所稱鍾譚者也鍾譚之疵病如上所陳力已畧見一班譚之才力薄于鍾其學殖尤淺謝劣彌甚以俚率爲清真以僻澁爲幽峭作似了不了之語以爲意表之言不知求深而彌淺寫可解不解之景以爲物外之象不知求新而轉陳無字不亞無句不謎無一篇章不破碎斷落一言之內意義違反如隔燕吳數行之中詞旨蒙晦莫辨吁陌原其初豈無一知半解游光掠影居然謂文外獨絕妙處不傳不自知其識之墮於魔而趣之沈於鬼也已而名日盛游目廣識下而心粗膽張而筆放遂欲秤量古今半龍半虎詩歸之作金根繆解魯魚譏傳兔園老學究皆能指其疵陋而舉世傳習奉爲金科玉條不亦悲乎世之論者曰鍾譚一出海內始知性靈二字然則鍾譚未出海內之文人才士皆石人木偶乎曰極七子之才致不過爲宋之陸放翁自南渡以迄隆萬將五百年亦皆石人木偶而性靈獨培發于鍾譚乎彼自是其一隅之見於古人之學所謂渾涵汪茫

千彙萬狀者未嘗過而問焉而承學之徒莫不喜其尖新樂其率易相與
糊心昧目拍肩而從之以一言蔽其病曰不學而已亦以一言蔽從之者
之病曰便於不說學而已天喪斯文餘分閨位竟陵之詩與西國之教三
峯之禪旁午發作並爲孽于斯世後有傳洪範五行者固將大書特書著
其事應豈過論哉伯敬爲余同年進士又介友夏以交于余皆相好也吳
中少俊多警鍾譚余深爲護惜虛心評骘往復良久不得已而昌言擊
排吾友程孟陽之言曰詩之學自何李而變務於摸擬聲調所謂以矜氣
作之者也自鍾譚而晦競於僻澁蒙昧所謂以昏氣出之者也孟陽老於
詩學其言最爲平允論近代之詩者衷之于孟陽斯可矣

洞庭湖

夏淺湖心伏不分天水非新帆隨數點好鳥擇邊飛日月光難逼江湖氣
盡歸客舟來此汎孤似獄僧扉

瓶梅

入晚過十日愁落幸開遲不借春風發全無夜雨欺香來清淨裏韻在寂
寥時絕勝山中湖道人或未知

勝舟詩贈鄒孟陽李紹仲

內外湖爭碧朝昏時覺遐文明非一處山水作鄰家偶逐葑船散同隨漁火斜頻呼免相失橋隔是天涯

同李長蘅尋聞子將龍井山齋二首

楓色紅難已黃從翠處分偶然亂葉下風雨似同聞谷鳥歸寒路蘿花開遶雲逢幽無一語心眼白氤氳

十里蒼蒼路非深亦覺遐陰晴澹山氣雞犬靜人家閑廻生溪水坪香過
芭花紅黃光莫艷羣動豈無洲

友夏詩貧也非寒也薄也非瘦也僻也非幽也凡也非近也昧也非深
也斷也非掉也亂也非變也蕪詞累句畧舉一二如擬讀曲歌云龐是
儂家龐日歟儂家弱昔昔不吠歎儂私令噉肉夏夜古意云明月皎皎
照羅幃羅花一一影香肌郎來訛妾肌生花取衣覆肌花在衣何其汙
生卑賤也隋大業鏤歌云鏤兮鏤兮不復鏤兮以之焚香大損沈水何
其俚也聽青羊礎云太始有真意欽哉非雨聲用經義何其繆也歲塗
新事送月放衆生肥三吳士女俗萬古雨晴天眼光非亂射散作萬山

紅萬葉一色紅易終我愛黃邊綠邊紅何其鄙而俗也吳越楚閩沿習成風如生人戴假面如白晝作鬼語而聞人有察復一字敬夫者宦遊楚中召友夏致門下盡棄所學而學焉其詩云花心猶怯怯勞語乍生生■未見胡然夢其古曰得書以日爲昏旦其雲無古今居之僧尚髡來者客能琴之乎其若逐字安排欽肅滌靜連章鋪比鍾譚之體家戶傳習汲人以餓山吞日慙爲清詞吳士以花騎蝶過墻爲麗句滔滔不返不至于橫流陸沉不但已也錄詩及此庸以別裁末流垂戒後學作易者其有憂患乎世之君子亦可以諒我矣金陵張文寺曰伯敬入中郎之室而思別出奇斤斤字句之間欲闡古人之祕以其道易天下多見其不知量也友夏別立蹊徑特爲雕刻要其才情不奇故失之纖學問不厚故失之陋性靈不貴故失之鬼風雅不適故失之鄙一言以蔽之總之不讀書之病也吳門朱隗曰伯敬詩桃花少人事詆之者曰李花獨當終日忙乎友夏詩秋聲半夜真則甲夜乙夜秋聲尚假乎雪字本推服鍾譚而其言如此

王僉事思任

思任字季重山陰人萬曆乙未進士知興平當塗青浦三縣袁州推官所至皆被鐫降稍遷刑工二部出爲九江僉事罷歸卒季重有雋才居官通脫自放不事名檢性好謔浪居恒與狎客縱酒談笑大處遇達官大吏疎放絕倒不能自禁好以詼諧爲文倣大明律製奕律吾以爲必傳枚臯郭舍人之流也亂後踉蹌避兵猶負一棋局以往遂死于山中季重爲詩才情爛漫無復持擇入鬼入魔惡道全出如天長道中云地嬾無文艸天愚多暗雲雨泊云春霖蓬翕蝶江浪柁餐豬快雨云荷靜香催墮樓疎氣破龍又如口占云烏紗實負青紗債腰痛何如脚痛輕陳眉公壽詩云帝欲見公公不見蒙方求我我何求中秋示兒云餅缺先誰齧瓜固是我期美入鬪艸圖云大娘誇十錦小妹賽三鮮打臂輕還褪羞頤罵復前有所思云儻得身相近應憐玉臂多此皆胡鉸釘張打油之所不爲也季重頗負時名自建旗鼓鍾譚之外又一旁派也余痛加芟薙仍標舉之如此

宿天界寺

古寺白門邊寒風逗石烟松簾無俗徑鍾磬有諸天歲晚難爲客官閒易入禪燈殘僧別去清夢竹相憐